

Union Bank Sh.a.

Informacion Financiar Periodik

31 Mars 2025

TABELA PËRMBLEDHËSE

1. Aktiviteti kryesor, Organizimi, Drejtimi & Kontrolli dhe Kodi i Etikës së Bankës	1
2. Bilanci kontabël, Pasqyra e të Ardhurave dhe Shpenzimeve, Tregues të rentabilitetit.....	17
3. Struktura e Kapitalit Rregullator	22
4. Mjaftueshmëria e Kapitalit.....	23
5. Informacion i Përgjithshëm për Ekspozimin ndaj Rreziqeve dhe Administrimin e Tyre	27
6. Borxhi i Varur	31
7. Rreziku i Kredisë	31
8. Rreziku i Tregut (FX +IRR)	35
9. Rreziku i Likuiditetit.....	36
10. Rreziku Operacional	37
11. Politika e Shpërblimit	38
12. Politikat kontabël të Bankës.....	40

Banka Union

Raportet Financiare Periodike, Mars 2025

(shifrat ne Mijë Lekë, përveçse kur shprehet ndryshe)

1. Aktiviteti kryesor, Organizimi, Drejtimi & Kontrolli dhe Kodi i Etikës së Bankës

1.1. Informacion i përgjithshëm mbi bankën

Union Bank Sh.a. (“Banka”) është një institucion financiar i regjistruar si bankë tregtare më 9 Janar 2006 bazuar në Vendimin nr. 101, datë 28 Dhjetor 2005 të Këshillit Mbikëqyrës së Bankës së Shqipërisë. Banka vepron sipas legjislacionit përkatës në fuqi. Autoriteti mbikëqyrës dhe rregullator i saj është Banka e Shqipërisë, por ajo vepron edhe në bazë të rregullave të nxjerra nga autoritete të tjera përkatëse. Ajo ofron shërbime bankare për individë dhe kompani në Republikën e Shqipërisë. Banka është regjistruar si person juridik me numër regjistrimi 33563 datë 26 Maj 2005, datë në të cilën filloi aktivitetin e saj tregtar.

Ajo zotëron 81% (2024: 81%) të aksioneve të Landeslease sha (“Filiali”) që prej Dhjetor 2014. Filiali është një shoqëri shqiptare e regjistruar si një shoqëri aksionare, i cili ushtron aktivitetin e qirasë financiare dhe filloi të operonte në 5 Prill 2005 (Seksioni 1.4).

Selia e Bankës është në Bulevardin Zogu I, Tiranë

1.2. Kapitali aksionar i regjistruar në QKB

Kapitali i nënshkruar i Bankës konsiston në 2,097,143 aksione (31 Dhjetor 2024: 2,097,143 aksione) me vlerë nominale 14.77 Euro (31 Dhjetor 2024: 14.77 Euro) secili dhe është detajuar si më poshtë.

	31 Mars 2025	31 Dhjetor 2024
Unioni Financiar Tiranë Sh.p.k (“UFT”)	96.46%	96.46%
Edmond Leka	1.77%	1.77%
Niko Leka	1.77%	1.77%

Më poshtë paraqiten lëvizjet në kapitalin e paguar në vitet 2024 dhe 2023.

	31 Mars 2025		31 Dhjetor 2024	
	Nr. i aksioneve	Vlera e aksioneve	Nr. i aksioneve	Vlera e aksioneve
Gjendja në fillim të vitit	2,097,143	3,883,812	2,097,143	3,883,812
Kapitali i paguar	2,097,143	3,883,812	2,097,143	3,883,812


Kapitali i paguar përbëhet nga aksione të zakonshme dhe nuk ka asnjë kufizim mbi to apo dallim ndërmjet tyre.

1.3. Informacion për strukturën e organizimit, të administrimit dhe funksionimit të Bankës

Banka ushtron aktivitetin e saj nëpërmjet rrjetit të saj të degëve me një shtrirje të qëndrueshme në qytete të ndryshme të vendit, të cilat në fund të Mars 2025 përfshinin 32 degë, 69 ATM dhe shërbimet e *Internet Banking*, *Mobile Banking* dhe *E-Commerce*.

Më 31 Mars 2025 Banka kishte 532 punonjës (31 Dhjetor 2024: 519).

Më poshtë paraqitet Struktura Organizative e Bankës.



1.3.4. Struktura e organeve drejtuesea. Këshilli Drejtues

Edmond Leka	Kryetar
Niko Leka	Zv.Kryetar
Varuzhan Piranjani	Anëtar
Henry Russell	Anëtar
Gazmend Kadriu	Anëtar
Teuta Baleta	Anëtar
Flutura Veipi	Anëtar edhe CEO
Kreshnik Dibra	Anëtar
Mërgim Cahani	Anëtar

b. Komiteti i Kontrollit

Teuta Baleta	Kryetar
Sonila Bicaku	Anëtar
Varuzhan Piranjani	Anëtar
Kreshnik Dibra	Anëtar Shok

c. Komiteti i Strategjisë (Ad-hoc)

Edmond Leka	Kryetar
Flutura Veipi	Anëtar
Henry Russell	Anëtar
Niko Leka	Anëtar

d. Drejtoria Ekzekutive

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive
Suela Bokshi	Drejtor i Divizionit të Operacioneve dhe Anëtar i Drejtorisë Ekzekutive
Arten Zikaj	Drejtor i Divizionit të Financës dhe Anëtar i Drejtorisë Ekzekutive
Alban Burazeri	Drejtor i Zyrës së Transformimit dhe Anëtar i Drejtorisë Ekzekutive

e. Drejtorë Divizionesh

Arten Zikaj	Drejtor i Divizionit të Financës dhe Anëtar i Drejtorisë Ekzekutive
Enkeleda Hasho	Drejtor i Divizionit të Klientëve Biznes
Gent Drita	Drejtor i Divizionit të Kredisë
Irena Rushaj	Drejtor i Divizionit të Teknologjisë së Informacionit
Alban Burazeri	Drejtor i Zyrës së Transformimit dhe Anëtar i Drejtorisë Ekzekutive

f. Komiteti i Shpërblimit dhe Burimeve Njerëzore

Edmond Leka	Kryetar
Teuta Baleta	Anëtar
Elton Çollaku	Anëtar

Këshilli Drejtues i Bankës mbledhet rregullisht duke zhvilluar 4 (katër) mbledhje kryesore të rregullta në vit dhe jo më pak se 4 (katër) mbledhje të ndërmjetme, të cilat organizohen ndërmjet mbledhjeve. Këto mbledhje zhvillohen ndër të tjera, për të miratuar strategjinë e përgjithshme dhe drejtimin e Bankës, për të marrë vendime të rëndësishme organizative dhe lidhur me kreditimin, buxhetimin, si dhe monitorimin e ecurisë së veprimtarisë së Bankës, me fokus të veçantë në performancën dhe menaxhimin e rreziqeve. Këshilli Drejtues shqyrton dhe miraton çdo vit të gjitha politikat e Bankës si dhe çdo tjetër të kërkuar nga kuadri rregullator apo rregulloret e brendshme të Bankës. Vendimet e Këshillit Drejtues janë të vlefshme nëse shumica e anëtarëve të pranishëm pjesëmarrës në mbledhje voton në favor ose votim me 2/3 për vendimmarrje specifike të rëndësishme. Në rastet kur ekziston konflikt interesi vendimi merret pa pjesëmarrjen e anëtarit ose anëtarëve përkatës në diskutim dhe votim.

Anëtarët e Këshillit Drejtues përzgjidhen me kujdes të veçantë, me qëllim që kualifikimet, përvoja dhe ekspertiza individuale të kombinohen në mënyrë optimale për të kontribuar në mënyrë efektive në drejtimin strategjik dhe aktivitetin vendimmarrës të Bankës. Çdo anëtar, pas propozimit nga ana e Bankës, miratohet gjithashtu nga Banka së Shqipërisë. Në mënyrë periodike Këshilli Drejtues kryen rregullisht monitorimin e treguesve të performancës së strukturave drejtuese, si dhe vlerësimin e përshtatshmërisë së drejtuesve.

Për të përmbushur përgjegjësitë e tij ë mënyrë sa më efektive ka themeluar komitete të përhershme dhe të përkohshme, përfshirë:

- Komitetin e Kontrollit,
- Komitetin e Shpërblimit dhe Burimeve Njerëzore
- Komitetin e Strategjisë (komitet i përkohshëm).

Komitetet përbërjen nga anëtarë të Këshillit Drejtues të Bankës, si dhe sipas rastit, ekspertë të jashtëm, në përputhje me natyrën e komitetit dhe kërkesat rregullatore për përbërjen e tyre.

Komiteti i Kontrollit ka si funksion kryesor që të asistojë Këshillin Drejtues në plotësimin e përgjegjësiave në procesin e raportimit financiar dhe monitorimin e përputhshmërisë me ligjet dhe rregulloret.

Detyrat kryesore të Komitetit të Kontrollit përmbledhen në mbikëqyrjen e:

- Integritetit të raporteve financiare të Bankës;
- Përputhshmërinë e Bankës me ligjet dhe rregulloret në fuqi;
- Procesit të përzgjedhjes dhe të performancës së audituesve të jashtëm;
- Performancës së Departamentit të Auditit të Brendshëm;

Komiteti i Kontrollit të Bankës ka në përbërje kryetarin, dy anëtarë dhe “anëtarin shok”, në funksion të plotësimit të profilit profesional dhe planit të vijueshmërisë.

Komiteti i Shpërblimit dhe Burimeve Njerëzore (“KSHBNJ”) ka si funksion kryesor që të asistojë dhe mbështesë Këshillin Drejtues në kryerjen e përgjegjësiave të tij lidhur me çështjet që lidhen me Burimet Njerëzore (“BNJ”) të tilla si:

- Vendosjen dhe rishikimin e politikave të shpërblimeve në fusha si kompensimet dhe përfitimet e punonjësve;
- Politikat dhe Procedurat që lidhen me punësimin dhe largimin nga puna të punonjësve të niveleve të larta në Bankë;
- Shqyrtimin dhe rishikimin e zhvillimeve të rëndësishme në çështje si: Kodi i Sjelljes dhe Struktura Organizative;
- Politika që asistojnë afrimin, mbajtjen, planet e zëvendësimit dhe zhvillimin e punonjësve të Bankës.

Komiteti Strategjik (i përkohshëm) ka si qëllim të këshillojë Këshillin Drejtues në lidhje me çështje ose aktivitete që bien nën këtë fushë kryesore të vendimeve strategjike. Të tilla mund të jenë:

- Rishikimi i strategjisë së Bankës;
- Ristrukturim madhor i brendshëm i Bankës;
- Mundësi blerjeje (*acquisition*);
- Planifikim i hapjes së një Filiali, etj;

Drejtoria ekzekutive, është përgjegjëse për administrimin e aktivitetit të Bankës në tërësi, kontrollin dhe mbikëqyrjen e vazhdueshme të zbatueshmërisë së kuadrit rregullativ të Bankës, ndër të cilat përfshihet standardizimi i rregulloreve dhe procedurave, administrimi i çështjeve të administrimit të rrezikut dhe të kontrollit të brendshëm në përputhje me kuadrin e brendshëm rregullativ, rregulloret e BSh dhe praktikat më të mira. DE organizon proceset normale të aktivitetit të Bankës, përcakton përgjegjësitë e funksioneve të Bankës si dhe të linjave të kontrollit. Po ky funksion organizon proceset që sigurojnë identifikimin, vlerësimin e saktë të rreziqeve si dhe masat e nevojshme për administrimin e rreziqeve të Bankës.

DE përmbledh dhe propozon për miratim në Këshillin Drejtues planin, buxhetet dhe projeksionet e biznesit, të përgatitura nga njësitë përgjegjëse të Bankës, të cilat më tej do të përdoren, ndër të tjera, edhe për qëllime të planifikimit të mjaftueshmërisë së kapitalit dhe të likuiditetit. Po ashtu, DE është përgjegjës për identifikimin e rreziqeve materiale dhe i komunikon rezultatet Këshillit Drejtues për aprovim, në kuadër të politikave specifike dhe Kuadrin e Oreksit të Riskut. Për një monitorim më efikas, analiza më të plota, dhe strukturë vendimmarrëse më të gjerë me qëllim administrimin sa më efektiv të proceseve/aktivitetit dhe administrimin e rrezikut, DE ka krijuar komitete të veçanta që mbulojnë rreziqe individuale.

Përveç komiteteve të mësipërme të Këshillit Drejtues, Drejtoria Ekzekutive ka ngritur disa struktura komitetesh të brendshme, për të siguruar një mbikëqyrje më të plotë të rreziqeve dhe vendimmarrje cilësore. Komitetet e ngritura në Bankë janë:

Banka Union

Raportet Financiare Periodike, Mars 2025

(shifrat në Mijë Lekë, përveçse kur shprehet ndryshe)

a. Komiteti i Administrimit të Aktiv – Pasiv (KAAP)*

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive
Arten Zikaj	Drejtor i Divizionit të Financës dhe Anëtar i Drejtorisë Ekzekutive (Kryetar)
Illirjan Ligaçaj	Drejtor i Departamentit të Thesarit
Gresa Panajoti	Drejtor i Departamentit të Rrezikut

*) për t'u plotësuar me 5 anëtarë

c. Komiteti i Menaxhimit të Rrezikut të Kredisë (KARK)

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive
Gent Drita	Drejtor i Divizionit të Kredisë (Kryetar)
Arten Zikaj	Drejtor i Divizionit të Financës dhe Anëtar i Drejtorisë Ekzekutive
Gresa Panajoti	Drejtor i Departamentit të Rrezikut
Lorenc Sulanjaku	Drejtor i Departamentit për Rrezikun e Kredive të Biznesit
Borana Bakiasi	Drejtor i Departamentit të Rrezikut të Kredive për Individë

*) Shef i Njesisë së Kontrollit të Kredive

*) Pozicion vakant

e. Komiteti i Teknologjisë së Informacionit

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive
Alban Burazeri	Drejtor i Zyrës së Transformimit dhe Anëtar i Drejtorisë Ekzekutive (Kryetar)
Irena Rushaj	Drejtori i Divizionit IT
Ermal Galo	Drejtues i Njesisë për Sigurinë e Informacionit

g. Komiteti i Përputhshmërisë

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive (Kryetar)
Arten Zikaj	Drejtor i Divizionit të Financës dhe Anëtar i Drejtorisë Ekzekutive
Artion Pashollari	Drejtor i Departamentit të Këshillimit Ligjor
Gresa Panajoti	Drejtor i Departamentit të Rrezikut

*) Drejtues i Njesisë së Përputhshmërisë

*) Pozicion vakant

i. Komiteti i Kredisë

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive (Kryetar)
Enkeleda Hasho	Drejtor i Divizionit të Klientëve Biznes
Gent Drita	Drejtor i Divizionit të Kredisë

b. Komiteti i Rrezikut Operacional dhe Rreziqet e Tjera

Arten Zikaj	Drejtor i Divizionit të Financës dhe Anëtar i Drejtorisë Ekzekutive
Suela Bokshi	Drejtor i Divizionit të Operacioneve dhe Anëtar i Drejtorisë Ekzekutive
Dritan Nini	Drejtor i Departamentit të Operacioneve
Gresa Panajoti	Drejtor i Departamentit të Rrezikut

Admir Xhani Drejtues i Njesisë së Risqeve të Tregut dhe Riskut Operacional

d. Komiteti i Menaxhimit të Rrjetit

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive (Kryetar)
Suela Bokshi	Drejtor i Divizionit të Operacioneve dhe Anëtar i Drejtorisë Ekzekutive
Enkeleda Hasho	Drejtor i Divizionit të Klientëve Biznes
*)	Drejtori i Divizionit Retail
Elma Shabani	Drejtor i Departamentit të Shitjeve dhe Transformimit të Rrjetit të Degëve

*) Pozicion vakant

f. Komiteti i Administrimit të Kolateraleve në Pronësi të Bankës

Suela Bokshi	Drejtor i Divizionit të Operacioneve dhe Anëtar i Drejtorisë Ekzekutive (Kryetar)
Gent Drita	Drejtor i Divizionit të Kredisë
Edlira Toshkëzi	Shef i Njesisë së Vlerësimit të Pasurive
Arten Zikaj	Drejtor i Divizionit të Financës dhe Anëtar i Drejtorisë Ekzekutive

h. Komiteti i Menaxhimit të Kapitalit dhe Performancës

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive (Kryetar)
Arten Zikaj	Drejtor i Divizionit të Financës dhe Anëtar i Drejtorisë Ekzekutive
Gresa Panajoti	Drejtor i Departamentit të Rrezikut

j. Komiteti i Menaxhimit të Burimeve Njerëzore

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive (Kryetar)
Suela Bokshi	Drejtor i Divizionit të Operacioneve dhe Anëtar i Drejtorisë Ekzekutive
Enklida Cibuku	Drejtor i Departamentit të Burimeve Njerëzore

Banka Union

Raportet Financiare Periodike, Mars 2025

(shifrat në Mijë Lekë, përveçse kur shprehet ndryshe)

k. Komiteti i Sigurisë në Punë

Enklida Cibuku	Drejtor i Departamentit të Burimeve Njerëzore
Marika Mërtiri	Drejtor i Departamentit të Administratës
Alban Muharremi	Drejtor i Departamentit të Sigurisë
Bledar Cenaj	
Manjola Dafku	
Gentiana Duka	
Ilia Miti	
Klotilda Lila	

l. Komiteti i Menaxhimit të Produktit

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive (Kryetar)
*)	Drejtori i Divizionit Retail
Enkeleda Hasho	Drejtor i Divizionit të Klientëve Biznes
Gent Drita	Drejtor i Divizionit të Kredisë
Fatjona Selimaj	Drejtor i Departamentit të Zhvillimit të Produkteve Retail
Gresa Panajoti	Drejtor i Departamentit të Rrezikut
*)	Pozicion vakant

m. Komiteti i Rekuperimit dhe Menaxhimit të Vonesave

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive (Kryetar)
Gent Drita	Drejtor i Divizionit të Kredisë (Kryetar)
Roland Mitllari	Drejtor i Departamentit të Menaxhimit të Portofolit të Kredive

n. Komiteti i Prokurimeve

Flutura Veipi	Drejtor i Përgjithshëm Ekzekutiv dhe Kryetar i Drejtorisë Ekzekutive (Kryetar)
Suela Bokshi	Drejtor i Divizionit të Operacioneve dhe Anëtar i Drejtorisë Ekzekutive
Marika Martiri	Drejtor i Departamentit të Administratës
Illir Apostol	Drejtes i Njësisë së Prokurimeve

o. Komiteti Drejtues i Projekteve

Suela Bokshi	Drejtor i Divizionit të Operacioneve dhe Anëtar i Drejtorisë Ekzekutive
Alban Burazeri	Drejtor i Zyrës së Transformimit dhe Anëtar i Drejtorisë Ekzekutive
Dallandshe Çela	Drejtor i Departamentit të Organizimit
Irena Rushaj	Drejtori i Divizionit IT

a) Komiteti i Administrimit të Aktiv-Pasivit ("KAAP") (shih. Faqe 28) është organi përgjegjës për menaxhimin e balancës ndërmjet aktiveve dhe detyrimeve të bankës, me qëllim optimizimin e performancës financiare duke ruajtur stabilitetin financiar dhe qëndrueshmërinë afatgjatë. Ai merr në shqyrtim situatën dhe kushtet ekonomike kombëtare dhe ndërkombëtare, zhvillimet rregullatore, tendencat dhe luhatshmërinë e tregjeve, levizjet e normës së interesit, kurseve të këmbimit, etj. Në analizat dhe mbledhjet e komitetit shqyrtohet struktura e aktiv-pasiveve, portofoli i investimeve, pozicioni valutor, treguesit aktual dhe në perspektivë të likuiditetit lidhur me mospërputhjen e maturiteteve në bilanc në kuadër të monitorimit dhe menaxhimit të rreziqeve të tregut të lidhura me to. Po ashtu, në mbledhjet e KAAP diskutohet mbi performancën e përgjithshme të Bankës, nivelin e mjaftueshmërisë së kapitalit dhe ai i likuiditetit, rendimentet e aktiv/pasivit dhe *spread*-et e normave të interesit, kundërpartitë e mundshme në Tregun e Parasë si dhe limitet për zyrat e këmbimit. Komiteti merr vendime sa i takon normave të interesit të depozitave apo produkteve të lidhura me to, investimeve në letra me vlerë të huaja, huamarrjen, niveleve të *cash-it*, etj. Po ashtu, kryhet koordinimi i çmimit të produktit në mënyrë që *spread*-et e synuara të arrihen dhe mbahen në linjë me koston e financimit dhe kostot e tjera të Bankës, në mënyrë që të arrihet përfitueshmëria e synuar mbi aktive/kapitalin e vet (ROA, ROE) si dhe të mbrohet Banka nga risku i normave të interesit. Ky komitet propozon me periodicitet vjetor ndryshimet e politikave nën administrimin e komitetit, dhe aprovon ndryshimin e procedurave të aktiv/pasivit mbi baza të vazhdueshme kur ndryshimi i kushteve e kërkon një veprim të tillë. Politikat shkojnë për aprovim në Këshillin Drejtues si rregull një herë në vit. Në këtë komitet bëhet edhe shpjegimi i ndonjë përjashtimi të njohur nga kjo politikë, si dhe një plan veprimi dhe afati kohor për ta sjellë Bankën në përputhje me kufijtë e politikës. Me zgjerimin e kuadrit rregullator, në KAAP diskutohen edhe elementet relevant të ICAAP si dhe është aprovuar drafti i ILAAP (proçeset e vlerësimit të brendshëm të kapitalit dhe likuiditetit) para se të shkojnë për aprovim final në Këshillin Drejtues.

b) Komiteti i Rrezikut Operacional dhe Rreziket e Tjera (“KRO”) (shih. Faqe 30) është përgjegjës për analizën sistematike të profilit të rrezikut operacional në nivel Banke, në përputhje me strategjinë dhe apetin për rrezik të miratuar nga Bord; rishikimin, vlerësimin dhe trajtimin e ngjarjeve të rrezikut operacional që janë materializuar, përfshirë ngjarjet me ndikim të konsiderueshëm financiar ose reputacional; analizën e humbjeve operationale, identifikimin proaktiv të proceseve me rrezik të shtuar operacional, përmes analizës së indikatorëve kyç të rrezikut (KRI) dhe vlerësimit të vetë-rrezikut nga njësitë përkatëse (RCSA); Rekomandimin dhe ndjekjen e masave korrigjuese, për të adresuar mangësitë e konstatuara dhe për të reduktuar ekspozimin ndaj rrezikut operacional. Gjithashtu në këtë komitet analizohen ngjarjet “mashttrim” që mund të ndodhin në Bankë, si dhe përcaktohet skuadra që do të hetojë këtë ngjarje duke mbështetur standardet për etikë, kontroll të brendshëm dhe integritet. Komiteti gjithashtu propozon dhe zbaton testimin e planit të vazhdimësisë së biznesit dhe përmbledh rezultatet duke dhënë në fund edhe rekomandimet.

c) Komiteti i Menaxhimit të Rrezikut të Kredisë (“KMRK”) (shih. Faqe 30) është kryesisht përgjegjës për shqyrtimin dhe vendimmarrjen mbi ekspozimet kreditore, duke siguruar që procesi i huadhënies të jetë në përputhje me tolerancën ndaj rrezikut, politikën e kredisë dhe kërkesat rregullatore. Ky komitet luan rol kyç në zbatimin e strategjisë së menaxhimit të rrezikut të kredisë sa i përket portofolit kreditor. Komiteti siguron që procedurat e kredisë janë në përputhje me ligjet dhe rregulloret në fuqi si dhe politikën e kredisë, e cila aprovohet dhe rishikohet nga Këshilli Drejtues si rregull një herë në vit. Ai shqyrton përputhshmërinë me limitet dhe monitoron treguesit dhe limitet e paralajmërimit të hershëm të vendosur nga Banka në fushën e rrezikut të kredisë.

Në këtë komitet shqyrtohen parashikimet makroekonomike dhe zhvillimet financiare në vend të cilat ndikojnë në rrezikun e kredisë si dhe rishikohen periodikisht rezultatet e stress test-eve për cilësinë e portofolit të kredisë së bankës. KMRK ka rol të rëndësishëm në implementimin e politikave të provigjonimit, përfshirë kategorizimin dhe kriteret bazë të provigjonimit të tyre. Rikuperimi dhe fshirja e kredive (përpara miratimit përfundimtar nga Këshilli Drejtues) janë një pjesë e rëndësishme e fushës së punës së këtij komiteti. Komiteti shqyrton në baza vjetore eficientë dhe shoqërive të sigurimit të operuara nga Banka, shoqëritë e mbledhjes së borxheve, zyrat e ndryshme të vlerësimit të pronave etj.

d) Komiteti i Menaxhimit të Rrjetit është një organ konsultativ i menaxhimit, i cili ka për qëllim të trajtojë çështje të rëndësishme lidhur me veprimtarinë e degëve si dhe të asistojë DE në marrjen e vendimeve që kanë të bëjnë me fusha të ndryshme që prekin rrjetin e degëve. Ky komitet mbikëqyr strategjinë e menaxhimit të rrjetit në të gjitha kanalet e Bankës si degët, bankingu on-line, palët e treta, ATM-të, etj. Funkzioni kryesor i këtij komiteti është ndjekja dhe monitorimi i rezultateve të degëve, performancës së tyre bazuar në indikatorët kryesorë të matjes së saj, si targeti vjetor dhe objektivat e vendosur në fillim të vitit. Përveç indikatorëve sasiorë, Komiteti i Menaxhimit të Rrjetit analizon dhe vlerëson aktivitetin e rrjetit në totalitet përfshirë vendndodhjen e degëve, transferimet e mundshme apo dhe hapje/mbyllje degësh, çështje të rëndësishme të lidhura me punonjësit kryesisht në nivelet menaxheriale, strukturën e degëve, etj.

e) Komiteti për Teknologjinë e Informacionit (“KTI”) ka si funksion kryesor të sigurohet që nevojat dhe objektivat e Bankës në lidhje me teknologjinë e informacionit dhe përfitimet e marra prej saj të përmbushen plotësisht. Gjithashtu ky komitet menaxhon dhe vendos prioritetet sa lidhur me projektet dhe kërkesat që vijnë në kuadër të automatizimit të proceseve apo nevojave strategjike.

f) Komiteti i Administrimit të Kolateraleve në Pronësi të Bankës është organi që administron procesin e shitjes, qiradhënies apo lënies në përdorim të kolateraleve kaluar në pronësi të Bankës si rezultat i procesit të ekzekutimit ligjor të kredive. Komiteti propozon momentin e nxjerrjes në shitje të një asetit duke përcaktuar çmimin fillestar të shitjes si dhe raundet e marketimit. Ky komitet është përgjegjës për përcaktimin e një strategjie të përgjithshme që duhet ndjekur për përcaktimin e destinacionit afatshkurtër dhe afatgjatë të pronës si edhe marketimin/shitjen e asetit. Gjithashtu në këtë komitet merret vendimi për dhënie me qira ose në përdorim të pronës si dhe ndiqet marketimi i pronave sipas kanaleve standarde të tregut. Komiteti kryen kategorizimin, vlerësimin dhe monitorimin e vlerës së tregut të pronave si dhe llogaritjen e provigjoneve sipas standardeve të raportimit.

g) Komiteti i Përputhshmërisë ka detyrën për të zhvilluar dhe zbatuar politikën e përputhshmërisë duke siguruar përputhshmërinë e ligjeve, rregulloreve dhe standardeve. Diskutohen implikimet e zhvillimeve rregullative për Bankën duke vënë prioritetet e duhura për menaxhimin e rrezikut të përputhshmërisë e duke propozuar masat për zbutjen e rreziqeve të tilla. Analizon dhe diskuton për implikimet e ligjeve dhe rregulloreve në aktivitetin e Bankës.

h) Komiteti i Menaxhimit të Kapitalit dhe Performancës (shih. Faqe 31) ka si funksion kryesor të sigurojë që planifikimi, menaxhimi dhe monitorimi i kapitalit të jetë në përputhje me nevojat dhe objektivat e bankës. Ky komitet zbaton, monitoron si dhe propozon masat për zbatimin e kërkesave rregullatore për Shtesën e Kombinuar Makroprudenciale të Kapitalit (SHKOMAK), të levës financiare si dhe të ligjit të Ndërhyrjes së Jashtëzakonshme. Komiteti, ne vijim të përfshirjes së KAAP, rishikon dhe kryen Procesin e Vlerësimit të Brendshëm të Mjaftueshmërisë së Kapitalit (“PVBMK” apo “ICAAP”) si edhe monitoron dhe analizon periodikisht nivelet e normave aktuale të paralajmërimit të Bankës përkundrejt atyre të përfshihura në PVBMK. Komiteti përzgjedh opsionet më të përshtatshme për aktivitetin e bankës, shqyrton linjat kryesore të biznesit dhe analizon ndikimin financiar. Gjithashtu, harton Planin e Rimëkëmbjes për miratim nga Këshilli Drejtues dhe e propozon gjatë procesit të buxhetimit, duke ndihmuar në ndarjen me efikase të kapitalit.

i) Komiteti i Kredisë (KKr) (shih. Faqe 30) ka përgjegjësinë e vendimmarrjes, detajimit dhe implementimit të procedurave mbi bazë të politikës së aprovuar nga Këshilli Drejtues në fushën e kredidhënies. Siguron që procesi i miratimit të kredive të ndjekë procedurat / politikat e Bankës në përputhje me kuadrin ligjor rregullativ; krijon një sistem të përshtatshëm për raportimin të Këshilli Drejtues lidhur me aplikimin e politikave dhe limiteve kreditore të vendosura. Anëtarët e Komitetit të Kredisë marrin vendime individuale për kreditë e biznesit dhe të individëve bazuar në raportet e vlerësimit të rrezikut të përgatitur nga Departamentet e Rrezikut nën Divizionin e Kredisë.

j) Komiteti i Menaxhimit të Burimeve Njerëzore (“MBNJ”) është strukturë kolektive e përbërë nga anëtarë të DE, Departamentit të Burimeve Njerëzore dhe departamenteve të tjera të përfshira në vendimmarrjet, lidhur me çështjet e menaxhimit të burimeve njerëzore në përputhje me: Politikat dhe procedurat e Burimeve Njerëzore, Kodi i Etikës, struktura organizative, politikat e shpërblyerjes të punonjësve përfshirë pagat, bonuset e përfitimet, politika për tërheqjen, mbajtjen dhe zhvillimin e punonjësve të Bankës, etj. Ky komiteti trajton çështjet për të gjithë punonjësit, përjashtuar anëtarët e DE dhe disa pozicione kyç, përgjegjësia për trajtimin e të cilëve është e Komitetit të Shpërblyerjes dhe Burimeve Njerëzore, strukturë e Këshillit Drejtues të Bankës.

k) Komiteti i Sigurisë në Punë është komitet i krijuar me pjesëmarrjen edhe të personelit të Bankës. Siguron dhe trajton elementët e sigurisë në punë duke u bazuar në legjislacionin në fuqi.

l) Komiteti i Menaxhimit të Produkteve është një strukturë që shërben për të vlerësuar propozimet për produkte të reja ose propozime për ndryshime që lidhen me karakteristikat e produkteve ekzistuese. Objektivi i këtij komiteti është të lehtësojë veprimtarinë e Bankës nëpërmjet studimit të propozimeve të ndryshme që i janë bërë nga Divizionet e Klientëve Biznes dhe Retail apo Njësi të tjera të Bankës. Detyrat kryesore të komitetit janë: miratimi i propozimeve të produkteve të reja, ose modifikimi i produkteve ekzistuese duke përfshirë vlerësimet e rrezikut; siguron që këto ndryshime të përputhen me strategjitë e biznesit, të ofrojnë kthim të përshtatshëm për profilin e rrezikut të produktit dhe janë të favorshme për tregun e synuar të klientëve; monitoron performancën e produktit, duke përfshirë përfitimin dhe pozicionin konkurrues.

m) Komiteti i Rekuperimit dhe Menaxhimit të Vonesave është struktura përgjegjëse për monitorimin dhe orientimin strategjik të procesit të ndjekjes së kredive me probleme dhe atyre në vonesë, me synim rikuperimin sa më efikas të ekspozimeve të rrezikuara dhe minimizimin e humbjeve për Bankën. Ky komitet shqyrton performancën e portofolit me vonesa dhe portofolit të kredive në ndjekje, identifikon tendencat e rrezikut dhe merr vendime mbi trajtimin e rasteve të veçanta, përfshirë miratimin e planeve të ristrukturimit, negociimit e marrëveshjeve të rekuperimit apo referimit e rasteve për ndjekje ligjore Gjithashtu, Komiteti ndjek zbatimin e strategjive për rikuperimin e huave, vlerëson efikasitetin e strukturave të dedikuara për këtë funksion dhe propozon masa për përmirësimin e proceseve, duke vepruar në përputhje me kuadrin rregullator dhe politikën e menaxhimit të kredive me probleme të Bankës.

n) Komiteti i Prokurimeve është përgjegjës për mbikëqyrjen dhe miratimin e proceseve të prokurimit në përputhje me politikat e brendshme të Bankës dhe parimet e transparencës, konkurrencës dhe efijencës. Ky komitet shqyrton dhe miraton kërkesat për prokurime që kalojnë pragjet e miratuara, duke vlerësuar ofertat e paraqitura nga furnitorët në aspektin teknik dhe financiar (edhe kundrejt buxhetit), me qëllim përzgjedhjen e alternativës më të përshtatshme për Bankën. Gjithashtu, Komiteti ka një rol aktiv në sigurimin e integritetit të procesit të prokurimit, duke monitoruar përputhshmërinë me kuadrin rregullator dhe procedurat e brendshme, si dhe duke identifikuar nevoja për përmirësim në mënyrë që procesi të jetë sa më efektiv dhe i besueshëm.

o) Komiteti Drejtues i Projekteve ka përgjegjësi në përcaktimin dhe drejtimin e projekteve më të rëndësishme të Bankës. Ka një rol aktiv në ndjekjen e realizimit të tyre.

1.3.4. Informacion për kualifikimet dhe përvojën e anëtarëve të organeve drejtuese

Anëtarët e Këshillit Drejtues

Z. Edmond Leka

Z. Leka ka një eksperiencë të gjatë në aktivitete të ndryshme financiare. Ai është President dhe Drejtor i Përgjithshëm i Unionit Financiar Tiranë që nga Marsi i vitit 1995 dhe nga viti 2006 është Kryetar i Këshillit Drejtues të Union Bank. Gjatë periudhës Shtator 2000-2008 Z. Leka ka qënë Zëvendës-president i Dhomës Amerikane të Tregtisë në Shqipëri dhe më parë Kryetar i Këshillit Drejtues të AMC (Albanian Mobile Communication). Ai ka qënë gjithashtu Kryetar i Këshillit Drejtues të Bankës Italo-Shqiptare nga Marsi 1996 – Shkurt 2002 dhe Kryetar i Këshillit Drejtues të Fondacionit për Shoqëri të Hapur në Shqipëri (Fondacioni Soros) nga Janari 2002 deri në Mars 2005.

Z. Niko Leka

Z. Leka ka një eksperiencë të gjatë dhe solide në sektorin financiar, në menaxhim si dhe në aktivitetet e biznesit. Aktualisht ai është Drejtor Ekzekutiv i Unionit Financiar Tiranë dhe nga viti 2014 deri në vitin 2017 ka mbajtur pozicionin e Kryetarit të Këshillit Drejtues të Landeslease. Më parë Z. Leka ka punuar si konsulent dhe anëtar i disa organizatave të ndryshme financiare dhe menaxhuese. Gjatë periudhës 1994-1995, Z. Leka ka qënë Drejtor i Departamentit të Kreditit Urban (institucion mikrofinancë) në Fondin Shqiptar të Zhvillimit dhe gjatë periudhës 1999-2002 ka qënë Anëtar i Këshillit Drejtues të Fondit Besa (institucion financiar i mikro-kredisë).

Z. Varuzhan Piranjani

Z. Piranjani ka qënë anëtar i Këshillit Drejtues të Bankës Union që nga viti 2005, Kryetar i Komitetit të Kontrollit të saj që nga viti 2007, dhe ka një eksperiencë të gjatë në fushën e biznesit, financës, bankës dhe sigurimeve. Eksperiencat e hershme të tij të punës lidhen me pozicione manaxheriale në fushën e kontabilitetit të ndërmarrjeve të ndryshme.

Në vitet 1992-2006, Z. Piranjani ka qënë në industrinë e sigurimeve si Zv.Drejtor dhe më pas si Drejtor i Përgjithshëm Ekzekutiv i Institutit të Sigurimeve (INSIG).

Aktualisht, Z. Piranjani është Anëtar i Këshillit Mbikëqyrës të Union Group dhe UFT.

Znj. Teuta Baleta

Znj. Baleta ka një përvojë më shumë se 20-vjeçare në mbikëqyrjen dhe rregullimin bankar dhe financiar si dhe në bankingun qëndror, në fushat e politikave dhe zhvillimet makroekonomike, stabilitetit financiar, reformimin e sektorit bankar me një fokus në privatizimin e bankave shtetërore dhe reformimin e rregullatorëve financiarë, statistikave bankare dhe makroekonomike, raportimin dhe analizat, kërkimet, qeverisjen korporative, transparencën dhe auditimin e brendshëm. Ajo ka gjithashtu një përvojë rreth 20-vjeçare si lektore në fushën e ekonomisë.

Banka Union

Raportet Financiare Periodike, Mars 2025

(shifrat në Mijë Lekë, përveçse kur shprehet ndryshe)

Znj. Baleta aktualisht ofron shërbime konsulence për kompanitë e sektorit financiar në fushën e auditimit të brendshëm, përputhshmërisë, qeverisjes korporative, financave dhe vleresimeve financiare. Znj. Baleta u diplomua në vitin 1993 në Financë, në Universitetin e Tiranës dhe më pas përfundoi një Master në Kontabilitet në Universitetin e Tiranës.

Z. Henry Russell

Z. Russell është anëtar i Këshillit Drejtues të Union Bank që nga muaji Gusht 2021. Ai vjen nga një eksperiencë e gjatë në pozicione drejtuese pranë disa institucioneve ndërkombëtare financiare, duke përfshirë rreth 30 vite pranë Bankës Europiane për Rindërtim dhe Zhvillim.

Z. Russell ka përvojë të gjerë në fushën e investimeve në Evropën Lindore dhe Azi, duke përfshirë financimet e projekteve, huatë dhe investimet e kapitalit për sipërmarrjet private dhe publike. Gjithashtu ai është angazhuar dhe si anëtar bordi në kompani të mëdha duke kontribuar në fushën strategjike dhe qeverisjen korporative.

Z. Gazmend Kadriu

Z. Kadriu është Anëtar i Këshillit Drejtues të Bankës Union që nga fillimet e saj në 2005. Gjithashtu nga 2005 deri në Shkurt 2020 ai ka qenë edhe Drejtor i Përgjithshëm Ekzekutiv i Bankës.

Z. Kadriu ka një eksperiencë gjithëpërfshirëse dhe të gjerë si një bankier, regullator bankar dhe auditues, dhe ka fituar një eksperiencë të tillë profesionale në tre shtete të rajonit (Maqedoni, Kosove, Shqipëri).

Z. Kadriu ka një diplomë në Ekonomi nga Universiteti St. Ciril and Metodius - Shkup. Eksperiencia e tij ndër të tjera përfshin 5 vite në Departamentin e Mbikëqyrjes Bankare në Bankën Kombëtare të Maqedonisë, 1993-1998, dy vitet e fundit të së cilës ishte Drejtor i Departamentit, si dhe si Menaxher Auditimi në Ernst & Young në Shkup në vitet 2001-2004. Ai më pas e vazhdoi karrierën e tij si Drejtor Ekzekutiv dhe Anëtar i Këshillit Drejtues të Banka e Re e Kosovës.

Z. Kadriu ka qenë anëtar i Këshillit Drejtues si dhe anëtar i Komitetit të Menaxhimit të Rrezikut në Tututnska Banka a.d. Shkup në periudhën Dhjetor 2000 - Qershor 2006 si dhe ka qenë anëtar Këshilli Kujdestar dhe Zv.Kryetar i Macedonian Enterprise Development Foundation, Shkup në periudhën Dhjetor 1998 - Mars 2006.

Prej prill 2023 deri në korrik 2024, Z. Kadriu ka qenë Kryetar i Bordit udhëheqës i bankës NLB Prishtinë.

Z. Kreshnik Dibra

Z. Dibra është anëtar i Këshillit Drejtues të Union Bank që nga muaji Prill 2021. Ai sjell një eksperiencë të gjerë në industri të ndryshme si auditues dhe drejtues. Për një periudhë prej 13 vitesh ka shërbyer si menaxher auditimi në kompaninë Deloitte në Shqipëri, Rumani, Shtetet e Bashkuara të Amerikës dhe në Europën Qendrore.

Për një periudhë 2-vjeçare Z. Dibra ka mbajtur pozicionin e Drejtorit për Investimet Jokontrolluese si edhe ka qenë anëtar i Këshillit Drejtues të Grupit Balfin. Në të njëjtën kohë ka qenë anëtar i Këshillit Drejtues të Albchrome sh.a si edhe Kryetar i Këshillit Drejtues të Plus Communications dhe Insig Life.

Z. Dibra ka shërbyer si CFO pranë Grupit Infosoft për një vit si dhe si konsulent i jashtëm në projekte të Bankës Botërore dhe BERZH në Shqipëri.

Aktualisht Z.Dibra mban pozicionin e drejtuesit të raportimit financiar për Høegh LNG AS, një kompani Norvegjeze e listuar në bursën e New York.

Znj. Flutura Veipi (shih. Faqe 12)

Z. Mërgim Cahani

Z. Cahani, është emëruar anëtar i Këshillit Drejtues në tetor të vitit 2024. Që nga viti 2013 është themelues dhe drejtor ekzekutiv i Gjirafa Inc., ku udhëheq zhvillimin strategjik dhe operativ të kompanisë. Më parë ka punuar në institucione të ndryshme në SHBA, përfshirë Broadridge Financial Solutions dhe Morgan Stanley. Në fushën akademike, është angazhuar si profesor i shkencave kompjuterike në universitetin St. John's në Nju Jork.

Z. Cahani ka përfunduar studimet Bachelor dhe MBA në St. John's University, si dhe Master në Shkenca Kompjuterike në New York University.

Përveç përvojës profesionale, z. Cahani është angazhuar, në periudha të ndryshme kohore, si anëtar bordi në disa institucione si: Dhoma Amerikane të Tregtisë në Kosovë, ATOM Institute, GAP Institute dhe Albanian Innovation Accelerator.

Në angazhimin e tij në Këshillin Drejtues, z. Cahani sjell qasje strategjike, ekspertizë të thelluar dhe kontribut të drejtpërdrejtë në vendimmarrjet e rëndësishme të institucionit.

Anëtarët e Komitetit të Kontrollit

Znj. Teuta Baleta (shih. Faqe 9)

Znj. Sonila Bicaku

Zj. Bicaku është eksperte e financës, me njohuri të gjera në fushën e biznesit dhe me një eksperiencë 22 vjeçare në ofrimin e shërbimeve të auditit, konsulencës fiskale, IFRS & UK GAAP, kontrolleve të brendshme, administrimin e rreziqeve dhe drejtimit financiar për shumë kompani e organizata kombëtare e ndërkombëtare.

Ajo është anëtare e ACCA (Shoqatës së Kontabilistëve të Miratuar në Britaninë e Madhe) nga Prill 2004 dhe anëtare e Institutit të Eksperteve Kontabël të Autorizuar të Shqipërisë nga Korrik 2012.

Zj. Bicaku punon aktualisht si konsulente financiare dhe konsulente në fushën e qeverisjes së korporatave. Më parë ajo ka punuar si Menaxhere në Deloitte dhe International Finance Corporation në Shqipëri.

Z. Varuzhan Piranjani (shih. Faqe 9)

Z. Kreshnik Dibra (detajet më sipër)

Anëtarët e Drejtimit Ekzekutiv dhe Drejtorët Ekzekutivë Senior

Znj. Flutura Veipi

Znj. Veipi është Drejtore e Përgjithshme Ekzekutive dhe Kryetare e Drejtorisë Ekzekutive e Union Bank dhe Anëtare e Këshillit Drejtues.

Znj. Veipi ka një eksperiencë të kalibrit ekzekutiv me mbi njëzet vjet eksperiencë në fushën bankare, financiare, atë të investimeve dhe projekteve në menaxhim strategjik dhe lidhshmëri. Gjatë viteve 2000-2014 ajo ka punuar ProCredit Bank Albania, ku ka mbajtur disa pozicione kyçe drejtuese, në përfundim dhe atë të Anëtares së Këshillit Drejtues të Bankës.

Eksperiencia dhe ekspertiza të tjera të Znj. Veipi përfshijnë edhe pozicione të tjera të rëndësishme e të nderuara si Anëtare e Këshillit Drejtues të Dhomës Amerikane të Tregtisë dhe Kryetare e Komitetit të “Woman Active in Business” në periudhën 2012-2014. Gjithashtu ka qenë Anëtare e Këshillit Ekzekutiv të Shoqatës Shqiptare të Bankave në periudhën 2011-2013, si dhe nga viti 2019 e në vazhdim. Znj. Veipi është diplomuar në Financë dhe Kontabilitet nga Universiteti i Tiranës në vitin 2000, si dhe ka një certifikatë në MBA në Universitetin e Roehampton, Londër, 2017.

Znj. Suela Bokshi

Znj. Bokshi është Anëtare e Drejtorisë Ekzekutive prej Tetor 2024 dhe Drejtore e Divizionit të Operacioneve të Bankës Union që nga Korrik 2005. Nga Mars 2020 deri në Tetor 2024 ka qenë dhe Zv. Drejtore e Përgjithshme Ekzekutive në Bankën Union.

Znj. Bokshi ka një eksperiencë afatgjatë në bankë. Ajo u diplomua në Financë dhe Bankë, në Universitetin e Tiranës dhe vazhdoi një Master në Bankë dhe Financë për Vendet e Europës Lindore në “Giordano Del’ Amore Foundation” dhe CARIPO Bank, në Milano, Itali. Znj. Bokshi filloi karrierën e saj në Bankën Kombëtare Tregtare në 1995. Në 1997 ajo punoi në Bankën e Shqipërisë si Drejtore e Departamentit të Pagesave. Në vitin 2000 ajo mbajti pozicionin e Drejtorit të Thesarit dhe Pagesave dhe më vonë atë të Drejtorit Operacional në Bankën ProCredit në Shqipëri.

Z. Arten Zikaj

Z. Zikaj është Anëtar i Drejtorisë Ekzekutive prej Tetor 2024 dhe Drejtor i Divizionit të Financës në Bankën Union që nga Mars 2011. Z. Zikaj ka një eksperiencë të gjerë në kontabilitetin, raportimin dhe analizën financiare, auditimin lokal dhe ndërkombëtar të institucioneve financiare, kompanive të sigurimit dhe ndërmarrjeve komerciale, ekspertizë në SNRF-të, menaxhimin e rrezikut, operacioneve të thesarit, etj. Për disa vite ai ka qenë dhe lektor me kohë të pjesshme në Universitetin e Tiranës, Fakultetin e Ekonomisë.

Z. Zikaj u diplomua në Menaxhim Biznesi në Fakultetin e Ekonomisë, Universiteti i Tiranës. Ai punoi për rreth 7 vite në auditim në KPMG si Manaxher i ngarkuar për auditimin dhe më pas në konsulencë financiare për industri të ndryshme në Shqipëri dhe Kosovë. Në vitin 2004 ai ka qenë Zv. Drejtor i Financës në Bankën ProCredit në Shqipëri dhe në 2007-2010 ka punuar në KEP Trust, një institucion mikrofinanciar në Kosovë, si Zv. Drejtor Ekzekutiv për Financën dhe Thesarin.

Znj. Enkeleda Hasho

Znj. Hasho është Drejtor i Divizionit të Klientëve Biznes nga Qershori 2019 dhe që nga viti 2012 deri në këtë datë ka mbajtur pozicionin e Drejtorit të Divizionit të Kredisë në Bankën Union. Eksperiencia e Znj. Hasho vjen nga një formim i gjatë dhe solid në financë dhe bankë. Para këtij pozicioni në Bankën Union, Znj. Hasho ka punuar si Drejtore e Departamentit të Kredisë në Bankën Ndërkombëtare Tregtare (ICB) në vitet 2000-2005. Znj. Hasho ka një ekspertizë të vlefshme në procesin e zhvillimit të strategjisë së kreditimit tregtar bazuar në produktet e kredisë.

Znj. Hasho u diplomua në Menaxhim Biznesi në Fakultetin e Ekonomisë të Universitetit të Tiranës dhe gjithashtu ka një MBA nga Universitas Fabrefacta Optime University, Tiranë.

Z. Gent Drita

Z. Drita është Drejtor i Divizionit të Rrezikut të Kredisë në Bankën Union që nga Korrik 2019. Z. Drita ka një eksperiencë të gjatë në fushën e kredidhënies duke filluar karrierën e tij nga pozicioni i specialistit të kredisë duke kaluar më tej në pozicione drejtuese në shitje dhe në rrezikun e kredisë.

Z. Drita u diplomua në Fakultetin e Ekonomisë, Universiteti i Tiranës dhe mban një diplomë Master për Studimet Ekonomike Europiane. Ai punoi për rreth 5 vjet në NBG Bank dhe në ProCredit Bank në fushën e kredidhënies dhe më pas në Bankën Union ku për shumë vite është angazhuar me shitjen e produkteve ndaj bizneseve, në drejtimin e Departamentit të Shitjes dhe më pas në Departamentin e Rrezikut të Kredive për Biznes.

Znj. Irena Rushaj

Znj. Rushaj është Drejtore e Divizionit të IT që prej Nëntor 2022. Ajo ka një eksperiencë 24 vjecare në sistemin bankar me fokus në Teknologjinë e Informacionit dhe Komunikimit. Znj. Rushaj ka filluar karrierën e saj në Bankën Amerikane të Shqipërisë duke marrë në pak vite rol drejtues në zhvillimin e kanaleve alternative bankare dhe platformës digitale. Që nga Mars 2005 ajo ka Drejtuar Departamentin e IT në Union Bank.

Znj. Rushaj është diplomuar në Fakultetin e Shkencave të Natyrës, Universiteti i Tiranës. Ajo mban një Diplome Master i Shkencave në Informatikë nga i njëjti Universitet. Ajo mban gjithashtu një Diplomë Master në Administrim Biznesi nga Universiteti New York në Tiranë.

Z. Alban Burazeri

Z. Burazeri është Anëtar i Drejtorisë Ekzekutive prej Tetor 2024 dhe Drejtor i Zyrës së Transformimit që prej Qershor 2023, kohë në të cilën edhe iu bashkua Union Bank. Ai ka një eksperiencë profesionale prej më shumë se 3 dekadash nga të cilat mbi 27 vjet në sistemin bankar. Pjesën më të qenësishme të karrierës së tij Z. Burazeri e ka në Alpha Bank Albania ku që prej vitit 2006 deri në 2022 ka qenë anëtar i Drejtorisë Ekzekutive duke drejtuar njëkohësisht edhe Njësinë e Biznesit të Operacioneve dhe IT.

Z. Burazeri është diplomuar në Universitetin e Tiranës, Fakulteti i Shkencave të Natyrës, dega Informatikë. Gjithashtu ka diplomë Master dhe Doktor i Shkencave në Informatikë po nga i njëjti universitet dhe fakultet.

1.3.3. Informacion mbi kodin e etikës në Bankën Union

Union Bank ka një Kod Etike, i cili adreson çështjet e përputhshmërisë me kërkesat ligjore, përgjegjësitë e punonjësve në lidhje me konfliktet e interesit, ruajtjen e konfidencialitetit të informacionit, veprimet me palët e lidhura, etj. Më poshtë janë trajtuar shkurtimisht pjesë të këtij kodi.

Union Bank ka një Kod Etike, i cili adreson çështjet e përputhshmërisë me kërkesat ligjore, përgjegjësitë e punonjësve në lidhje me konfliktet e interesit, ruajtjen e konfidencialitetit të informacionit, veprimet me palët e lidhura, etj. Më poshtë janë trajtuar shkurtimisht pjesë të këtij kodi.

1. Konflikti i Interesave

Është politika e Bankës që punonjësit të kryejnë detyrat në mënyrë të tillë, me etikë dhe integritet, që të mos ekzistojë konflikt interesi, real apo i nënkuptuar. Situatë konflikti interesi nënkuptohet situata e ndikuar nga faktorë objektivë (si p.sh. lidhje farefisnore/biznesi) që mund të ndikojnë në kryerjen e detyrave të punonjësit kundër interesave të bankës.

2. Huatë e Punonjësve

Marrja hua e një punonjësi nga një klient i Bankës, individ ose biznes, duhet shmangur gjithmonë (përveç rastit kur klienti është një institucion i njohur huadhënës).

3. Informacioni Konfidencial

Të gjitha dokumentet dhe informacionet e Bankës janë konfidenciale dhe nuk mund të kopjohen ose nxiren pa autorizim nga menaxhimi. Informacioni konfidencial përfshin të dhënat për personelin dhe pagat, informacionin për klientët, dhe çdo informacion tjetër për mënyrën se si operon Banka.

Abuzimi ose keqpërdorimi i informacionit konfidencial do të rezultojë në masa të rrepta disiplinore, deri në pushim të menjëhershëm nga puna dhe ndjekje ligjore.

4. Punësimi jashtë Bankës

Banka nuk inkurajon punësimin jashtë Bankës të një punonjësi me kohë të plotë, sidomos punësimin tek një konkurrent, furnitor apo klient të bankës. Në të gjitha rastet, punësimi jashtë bankës kërkon aprovim paraprak nga menaxhimi. Vetëpunësimi në ndonjë aktivitet që i bën konkurrencë Bankës, është i ndaluar.

5. Dhuratat

Punonjësit dhe familjarët e tyre nuk duhet të kërkojnë apo pranojnë përfitime personale nga një klient, shitës, individ ose organizatë që kërkon të bëjë biznes me Bankën, përveç dhuratave të zakonshme, me vlerë qartësisht modeste dhe që shpërndahen masivisht për Vit të Ri apo raste të ngjashme.

6. Ryshfetet

Gjatë kryerjes së detyrave në Bankë, nuk lejohet të paguhen ose të pranohen rryshfete ose shpërblime të tilla të ngjashme për apo nga ndonjë individ apo organizatë. Është politikë e Bankës të zbatohet rregullat kundër mitmarrjes.

7. Autorizim mbi llogari të klientëve

Pa aprovim specifik të menaxhimit, punonjësit nuk mund të veprojnë si agjente ose persona të autorizuar në ndonjë llogari të mbajtur në Bankë (përveç për familjarët e tyre).

8. Abuzimi me Drogat dhe Alkoolin


Politika e Bankës është që të punësojë persona që nuk përdorin drogë apo alkool dhe që nuk manifestojnë efekte të përdorimit të tyre gjatë orarit të punës. Çdo punonjës që shkel këtë politikë është subjekt i masave disiplinore, deri në dhe përfshirë pushimin nga puna, që në shkeljen e parë.

1.3.4. Informacion mbi strukturën e grupit të konsoliduar

Unioni Financiar Tiranë shpk (“UFT” ose “Kompania Mëmë”) është një kompani me përgjegjësi të kufizuar, regjistruar në bazë të vendimit No. 9406, datë 6 Mars 1995. UFT është Përfaqësues Kontraktual i Western Union Financial Services INC. Selia e UFT-se është në Rrugën “Ismail Qemali”, Numri 32, Kati 3 Tiranë.

UFT ka në pronësi filialet e mëposhtme:

- **Union Bank Sh.a.**, duke zotëruar 96.46% të aksioneve të saj;
- **Unioni financiar Prishtinë Shpk. (“UFP”)**, i cili është një kompani me përgjegjësi të kufizuar 80.00% i kontrolluar nga UFT i cili ushtron aktivitetin e vet në Kosovë. UFP e ka filluar aktivitetin e tij në 1 Janar 2013 dhe është Përfaqësues Kontraktual i Western Union Financial Services INC. Selia e UFP është në Rr. Perandori Justinian 1E, Qyteza Pejton, Prishtina, Kosovo;
- **Unija Finansiska Skopje DOO (“UFS”)**, i cili është një kompani me përgjegjësi të kufizuar i themeluar në Republikën e Maqedonisë me vendim të Gjykatës së Shkupit Nr.5710/03, datë 16 Janar 2004. UFT zotëron 75.04% të kapitalit aksionar të tij. UFS është Përfaqësues Kontraktual i Western Union Financial Services INC.
- **Union of Financial Corners (“UFC”)**, i cili u themelua më 1 Maj 2005 në Gjenevë, Zvicër. UFT zotëron 51.00% të kapitalit aksionar të tij. UFC është Përfaqësues Kontraktual i Western Union në Zvicër.
- **Paylink Sha. (“Paylink”)** e cila është një kompani financiare e licensuar nga Banka e Shqipërisë për të kryer shërbimet e procesimit të kartave si dhe shërbimeve të tjera lidhur me to. Investimi në kompaninë Paylink është bërë me 3 Shtator 2012. UFT zotëron 100.00% të kapitalit të Paylink.
- **Auto City Sha.** Investimi në Auto City është bërë në 26 Dhjetor 2012 . UFT zotëron 100.00% të aksioneve në kapitalin e Auto City.
- **Union Net Kroaci** i cili u themelua më 10 Mars 2016 në Zagreb, Kroaci. UFT zotëron 100.00% të kapitalit të tij aksionar. Union Net Kroaci është Përfaqësues Kontraktual i Western Union Financial Services INC.
- **Landeslease sh.a.** Që prej fundit të vitit 2023 zotëron 19% të Filialit të Bankës/Emetuesit (për më shumë detaje paragrafët në vijim).



Skema e Grupit sipas datës 31 Mars 2025.

1.4. Informacion mbi filialet e Bankës

Banka, në 22 Dhjetor 2014, bleu 100% të aksioneve të Landeslease sha (“Filiali”). Filiali është një shoqëri shqiptare e cila ushtron aktivitetin e qirasë financiare, e regjistruar si një shoqëri aksionare, e cila filloi të operonte në 5 Prill 2005. Selia e Landeslease sha është në Tiranë, Rruga “Ismail Qemali”.

Gjatë vitit 2023, pas marrjes së vendimeve të strukturave respektive të brendshme si dhe me miratimin e Bankës së Shqipërisë, Unioni Financiar Tiranë Sh.p.k iu shtua strukturës aksionare të Filialit nëpërmjet blerjes së aksioneve të reja të emetuara. Pas kësaj, Banka zotëron 81% të aksioneve të Filialit.

Investimi në Filiale në fund të Mars 2025 është në shumën prej 460,671 Mijë Lekë (Dhjetor 2024: 460,671 Mijë Lekë).

Filiali rezulton me fitim prej vitesh dhe kontribon me dividende në Bankë në mënyre sistematike.

Më 31 Mars 2025:

- Kapitali aksionar i Filialit, i nënshkruar dhe i shlyer tërësisht, është 620,000 Mijë Lekë që përbëhet nga 520,000 (*pesëqind e njëzet*) aksione me vlerë nominale 1,000 (*një mijë*) Lekë secili;
- Banka i ka akorduar në total kredi për shumën 26.7 Milionë Eur Filialit, duke respektuar limitet rregullatore dhe interne për këtë ekspozim.

1.5. Informacion për aktivitetet e Bankës

Veprimtaria kryesore e Bankës është aktiviteti bankar, të pranojë depozita të çdo lloji me ose pa interes, të ushtrojë aktivitetin kreditues duke përfshirë kredinë e konsumit, kredinë hipotekore, financimin e bizneseve dhe transaksioneve të ndryshme tregtare, të marrë hua, të blejë apo të shesë për llogari të saj dhe të klientëve instrumenta të tregut të parasë letra me vlerë të borxhit, kontrata të së ardhmes dhe kontrata me kusht. Të ofrojë shërbimin e pagesave dhe të arkëtimeve; të emetojë, të pranojë dhe të administrojë mjete të pagesave; të ndërmerjetësojë për transaksione monetare; të ushtrojë qira financiare.

Bazuar në liçensën nga Banka e Shqipërisë, Union Bank Sh.a. është e liçensuar për të kryer veprimtari bankare dhe financiare si më poshtë:

- 1) Të gjitha format e kredidhënies, duke përfshirë edhe kredinë konsumatore dhe kredinë hipotekore;
- 2) Qiranë financiare;
- 3) Të gjitha shërbimet e pagesave dhe të transferimit të parave;
- 4) Ofrimin e garancive;
- 5) Tregtimin për llogari të saj ose për llogari të klientëve, qoftë dhe në një këmbim valutor, në një treg të vetorganizuar (OTC) ose ndryshe, si më poshtë:
 - a. instrumente të tregut të parave (çeqe, dëftesa, çertifikata të depozitave etj.)
 - b. këmbim valutor;
 - c. instrumente të këmbimeve valutore dhe instrumente të vlerësimit të normës së interesit, duke përfshirë këtu produkte të tilla, si marrëveshje *swap* dhe marrëveshje që përcaktojnë vlerën e interesit në të ardhmen.
 - d. të letrave me vlerë të transferueshme
- 6) Ofrimin e shërbimit të kasave të sigurimit;
- 7) Emetimin dhe administrimin e instrumenteve të pagesës (të tilla si kartat e kreditit dhe të debitit, çeqet e udhëtarit dhe çeqet bankare, kartat e pagesës dhe pagesat me celular), etj., përfshirë emetimin e parasë elektronike;
- 8) Ndërmjetësim për transaksionet monetare të marrjes në kujdestari;
- 9) Shërbimet këshilluese, ndërmjetëse dhe shërbimet e tjera ndihmëse për të veprimtaritë e listuara më sipër;
- 10) Shërbimet e pagesave, të listuara nga pika 1 deri në pikën 8 të Aneksit 1 të ligjit nr.55, datë 30.04.2020 “Për shërbimet e pagesave: si vijon:
 - 10.1 Shërbimet që mundësojnë depozitimin e parave fizike në një llogari pagese, si dhe të gjitha veprimet e nevojshme për funksionimin e një llogarie pagese,
 - 10.2 Shërbimet që mundësojnë tërheqjen e parave fizike nga një llogari pagese, si dhe të gjitha veprimet e nevojshme për funksionimin e një llogarie pagese,

10.3 Ekzekutimi transaksioneve të pagesave, duke përfshirë transferimet e fondeve në një llogari pagesash të çelur pranë ofruesit të shërbimit të pagesave të përdoruesit ose pranë një ofruesi tjetër të shërbimit të pagesave:

- a) ekzekutimi i debitimeve direkte, duke përfshirë dhe debitimet direkte që bëhen vetëm një herë,
- b) ekzekutimi i transaksioneve të pagesave përmes një karte pagese ose nga një pajisje e ngjashme,
- c) ekzekutimi i transfertave të kreditit, duke përfshirë pagesat periodike

10.4 Ekzekutimi i transaksioneve të pagesave, ku fondet janë të mbuluara nga një linjë kredie për një përdorues të shërbimit të pagesave:

- a) ekzekutimi i debitimeve direkte, duke përfshirë debitimet direkte që bëhen vetëm një herë,
- b) ekzekutimi i transaksioneve të pagesave përmes një karte pagese ose nga një pajisje e ngjashme,
- c) ekzekutimi i transfertave të kreditit duke përfshirë pagesat periodike.

10.5 Emetimi i një instrumenti pagese dhe/ose pranimi i transaksioneve të pagesave,

10.6 Dërgesat e parave,

10.7 Shërbimi i inicimit të pagesës

10.8 Shërbimi i informimit të llogarisë

Bazuar në licensën nga Autoriteti i Mbikëqyrjes Financiare, me vendim Bordi nr. 7, date 31.01.2022 të Autoritetit të Mbikëqyrjes Financiare, Banka është e licensuar për të kryer veprimtari e Shoqërisë komisionere si më poshtë:

1. Shoqëri për ofrimin e shërbimeve të investimit:
 - a. Marrje dhe transmetim i urdhrave për një ose më shumë instrumente financiare;
 - b. Ekzekutim i urdhrave në emër të klientëve;
 - c. Tregtim për llogari të vet; në lidhje me këto instrumenta financiare:
 - i. titujt e transferueshëm;
 - ii. instrumentet e tregut të parasë.
2. Shoqëri për ofrimin e shërbimit ndihmës: Ruajtja dhe administrimi i instrumenteve financiare në emër të klientëve, për instrumentat financiare të parashikuara tek shërbimet e investimit.

Banka ushtron të gjitha veprimtaritë sipas licensës me përjashtim të ofrimit të shërbimit të qirasë financiare (të cilin e ushtron nëpërmjet Filialit).

2. Bilanci kontabël, Pasqyra e të Ardhurave dhe Shpenzimeve, Tregues të rentabilitetit

2.1 Analiza dhe komente përmbledhëse për ecurinë e gjendjes financiare të Bankës

Kthimi në Kapitalin (ROE) aksionar mesatar rezultoi të jetë në nivelin 16.0% dhe Kthimi në Aktivët mesatare (ROA) është 1.4%. Likuiditeti mbetet përtej limiteve të vendosura nga Banka e Shqipërisë dhe limiteve të brendshme, që janë më prudente dhe në total raporti i likuiditetit është 38.9%.

Raporti i Kredive me Probleme ndaj Totalit të Portofolit Bruto ("NPL") është 5.7%, duke mbetur në nivele të ulëta e të qëndrueshme.

Bilanci i Aktiveve dhe Pasiveve të Bankës në Mars 2025 (detajuar në seksionin 2.2)

Aktivitet: Në fund të Mars 2025 janë përafërsisht **106.5 Miliardë Lekë**, rreth **0.2 Miliardë Lekë** ose 0.2% më e lartë se balanca në fund të vitit 2024. Portofoli Hua ndaj Klientëve dhe Institucioneve Financiare, bruto u rrit me 1.2 Miliardë Lekë ose rreth 2.4%; nga të cilat mbi 1.1 Miliardë Lekë është në Huatë ndaj Klientëve ndërsa Huatë ndaj Institucioneve Financiare u rritën me vetëm 0.1 Miliardë Lekë.

Investimet në Letra me Vlerë pësuan një rënie me ~1.7 Miliardë Lekë; Bonot e Thesarit të Qeverisë Shqitare u rritën me ~0.5 Miliardë Lekë ndërsa investimet në Obligacione të Qeverisë dhe Letra me Vlerë të Huaja u ulën me 2.2 Miliardë Lekë apo -4.9%. Arka dhe Banka Qëndrore ka një rënie me ~ 0.8 Miliardë Lekë, ndërsa Llogaritë dhe Depozitat në Bankat dhe Institucionet Financiare kanë një rritje me 1.5 Miliardë Lekë.

Banka ruan një strukturë të qëndrueshme të përfitueshmërisë, duke garantuar nga ana tjetër mjete likuide në nivelet e duhura për ushtrim të aktivitetit të saj dhe ruajtjes së parametrave mjaft të mirë të likuiditetit.

Detyrimet: Në total rënia është me afro 0.2 Miliardë Lekë ose -0.2 % më pak se Dhjetor 2024. Veprimet me Klientët ose Fondet u rriten me mbi 2.6 Miliardë Lekë ose 3.3%. Detyrimet ndaj klientëve për llogaritë rrjedhëse, që janë nën këtë zë, u rritën me 0.4 Miliardë Lekë ose 1.8% dhe përbëjnë 16.7% të rritjes së Fondeve. Depozitat pa afat u rritën me ~0.3 Miliardë Lekë ndërsa Depozitat me afat tregojnë rritje me 1.8 Miliardë Lekë ose 4.6%.

Detyrimet ndaj Bankave dhe Institucioneve Financiare tregojnë rritje me 2.9 Miliardë Lekë; ndërsa Detyrimet ndaj Bankës Qëndrore, që konsistojnë në hua afatshkurtra kryesisht në formën e marrëveshjeve të anashjellta të riblerjes (Repos), patën një rënie me 6.0 Miliardë Lekë. Borxhi i varur nuk ka ndryshuar dhe mbetet në nivelin e 1.6 Miliardë Lekë.

Kapitali i Aksionereve tregoi një rritje prej ~0.4 Miliardë Lekë ose 4.4% më lart se Dhjetor 2024, që vjen nga fitimi i periudhës së raportuar.

Të Ardhurat dhe Shpenzimet nga veprimtaria kryesore (detajuar në seksionin 2.3)

Fitimi Neto i periudhës tregon **358.4 Milionë Lekë**, i cili është **130.2 Milionë Lekë** ose 26.6% më pak se tremujori i parë i vitit 2024; e cila rezulton nga rritja e shpenzimeve operative.

Ndryshimi i Fitimit për tremujorin e vitit ushtrimor vjen si kombinim i:

a) *Totali i të Ardhurave Operative* është më i lartë me 44.9 Milionë Lekë apo 3.7% kundrejt të njëjtës periudhë të vitit të mëparshëm, si rezultat i:

- i. Të ardhurat Neto nga Interesat paraqesin një rritje prej 32.9 Milionë Lekë ose 3.5%;
- ii. Të ardhurat nga Komisionet neto janë afro 19.2 Milionë Lekë ose 9.5% më pak;
- iii. Të ardhurat nga veprimtaritë e tjera bankare janë 31.0 Milionë Lekë më shumë.

Në strukturën totale të të ardhurave, Të ardhurat Neto nga Interesat nuk kane ndryshim (dhe përbëjnë 77.0% të të ardhurave), Të ardhurat nga Komisionet neto janë ulur me 2.1% (përbëjnë 14.5% të totalit) ndërsa Të ardhurat e tjera janë 2.1% më shumë.

b) *Shpenzimet Operative*, përfshirë dhe fondet rezervë për huatë dhe amortizimin, janë ~0.9 Miliardë Lekë; 193.0 Milionë Lekë më pak se e njëjta periudhë e vitit të mëparshëm. Variancat më të mëdha në këtë grup shpenzimesh vijnë kryesisht nga:

- i. Shpenzime të Përgjithshme të Veprimtarisë 24.2 Milionë Lekë më shumë,
- ii. Shpenzimet për Personelin rritje me 74.7 Milionë Lekë,
- iii. Shpenzimet për Fondet Rezervë për huatë jane 83.3 Milionë Lekë ose 273.8% më shumë,
- iv. Shpenzimet për Fondet Rezervë të tjera paraqesin 5.4 Milionë Lekë më pak.

Banka Union

Raportet Financiare Periodike, Mars 2025

(shifrat në Mijë Lekë, përveçse kur shprehet ndryshe)

2.2 Bilanci Individual Kontabël

Në Mijë Lekë	31 Mars 2025	31 Dhjetor 2024	Ndryshimi	ne %
Aktivët				
Arka dhe Banka Qendrore	10,078,781	10,908,950	(830,169)	-7.6%
Bono thesari	1,674,152	1,166,641	507,511	43.5%
Hua dhe paradhënie neto për IF	13,728,942	12,185,035	1,543,907	12.7%
<i>Llogari rrjedhëse</i>	1,464,175	1,705,999	(241,824)	-14.2%
<i>Depozita</i>	7,334,256	5,647,747	1,686,509	29.9%
<i>Hua</i>	4,584,262	4,514,046	70,216	1.6%
<i>Llogari të tjera</i>	346,451	317,429	29,022	9.1%
<i>minus fonde rezervë për llogaritë IFI</i>	(202)	(186)	(16)	8.6%
Hua dhe paradhënie neto për klientët	47,415,720	46,285,024	1,130,696	2.4%
<i>Hua dhe paradhënie standarte</i>	44,590,996	44,008,375	582,621	1.3%
<i>Hua dhe paradhënie në ndjekje</i>	1,992,786	1,487,449	505,337	34.0%
<i>Hua nenstandart</i>	713,423	1,078,426	(365,003)	-33.8%
<i>Hua të dyshimta</i>	1,109,520	576,079	533,441	92.6%
<i>Hua të humbura</i>	1,253,972	1,276,654	(22,682)	-1.8%
<i>minus fondet rezervë për huatë</i>	(2,244,977)	(2,141,959)	(103,018)	4.8%
Letra me vlerë me të ardhura fikse	31,564,050	33,786,961	(2,222,911)	-6.6%
Filiale	460,671	460,671	-	0.0%
Mjete të qëndrueshme, neto	994,808	1,026,982	(32,174)	-3.1%
Mjete të tjera, neto	584,094	51,284	2,810	14.2%
Totali i Aktiveve	106,501,218	106,331,548	169,670	0.2%
Detyrimet				
Detyrime ndaj Bankës Qendrore	3,636,037	9,593,294	(5,957,257)	-62.1%
Detyrime ndaj bankave dhe IF	9,871,704	6,948,015	2,923,689	42.1%
Veprime me klientët	80,352,773	77,765,360	2,587,413	3.3%
<i>Qeveria shqiptare e admin publike</i>	546,319	359,897	186,422	51.8%
<i>Llogaritë rrjedhëse</i>	24,519,661	24,087,720	431,941	1.8%
<i>Depozita pa afat</i>	12,752,422	12,483,189	269,233	2.2%
<i>Depozita me afat</i>	41,776,590	39,954,600	1,821,990	4.6%
<i>Llogari të tjera</i>	757,781	879,954	(122,173)	-13.9%
Fond rezervë statistikore për huat	577,986	547,324	30,662	5.6%
Detyrime të tjera	1,134,379	957,029	176,423	18.4%
Borxhi i varur	1,556,166	1,542,819	13,347	0.9%
Totali i Detyrimeve	97,129,045	97,353,841	(225,723)	-0.2%
Totali i kapitalit aksionar	9,372,173	8,977,707	395,393	4.4%
Totali i detyrimeve dhe kapitalit	106,501,218	106,331,548	169,670	0.2%
Zërat jashtë bilancit				
Angazhime të dhëna	2,542,439	2,661,445	-119,006	-4.5%
Angazhime të marra	198,580	196,300	2,280	-
Garanci të dhëna	615,642	622,169	-6,527	-1.0%
Garanci të marra	127,083,345	121,987,215	5,096,130	4.2%
Veprime valutore (të blera - të shitura)	(196)	(824)	628	-76.2%

2.3 Pasqyra Individuale e Të Ardhurave dhe Shpenzimeve

Në Mijë Lekë	31 Mars 2025	31 Mars 2024	Ndryshimi	në %
Të ardhura nga interesat	1,347,974	1,259,715	88,259	7.0%
<i>Për veprimet e thesarit</i>	122,676	95,592	27,084	28.3%
<i>Nga veprimet me klientët</i>	781,974	739,188	42,786	5.8%
<i>Nga veprimet me letrat me vlerë dhe veprimtaritë e tjera financiare</i>	419,502	402,776	16,726	4.2%
<i>Të tjera</i>	23,822	22,159	1,663	7.5%
Shpenzime për interesa	(373,184)	(317,790)	(55,394)	17.4%
<i>Për veprimet e thesarit</i>	(42,890)	(30,428)	(12,462)	41.0%
<i>Për veprimet me klientët</i>	(268,069)	(217,306)	(50,763)	23.4%
<i>Për borxhet e varura</i>	(16,302)	(10,506)	(5,796)	55.2%
<i>Për letrat me vlerë dhe veprimtaritë e tjera financiare</i>	(45,923)	(59,550)	13,627	-22.9%
<i>Të tjera</i>				
Të ardhurat nga interesat, neto	974,790	941,925	32,865	3.5%
	210,929		(15,699)	-6.9%
Të ardhura nga komisione		226,628		
<i>Nga veprimet e thesarit</i>	553	281	272	96.8%
<i>Nga transaksionet me klientët</i>	48,312	70,779	(22,467)	-31.7%
<i>Komisione për shërbimet bankare</i>	151,257	143,009	8,248	5.8%
<i>Komisione të tjera</i>	10,807	12,559	(1,752)	-14.0%
Shpenzime për komisione	(27,489)	(23,999)	(3,490)	14.5%
<i>Për veprimet e thesarit</i>	(4,220)	(1,953)	(2,267)	116.1%
<i>Komisione për shërbime bankare</i>	(23,257)	(22,034)	(1,223)	5.6%
<i>Komisione të tjera</i>	(12)	(12)	-	0.0%
Të ardhura nga komisionet, neto	183,440	202,629	(19,189)	-9.5%
Fitim/Humbje nga veprimtaritë e qirasë, neto	2,850	4,297	(1,447)	-33.7%
Fitim/Humbje nga veprimtaritë e tjera bankare, neto	47,418	16,421	30,997	188.8%
Fitim/Humbje nga veprimet me valutat, neto	54,661	55,384	(723)	-1.3%
Totali i të ardhurave operative	1,263,159	1,220,656	42,503	3.5%
Shpenzime për personelin	(340,337)	(265,679)	(74,658)	28.1%
Taksa të tjera përveç taksave mbi të ardhurat	(21)	(5)	(16)	320.0%
Shpenzime të përgjithshme të veprimtarisë	(355,516)	(331,361)	(24,155)	7.3%
Amortizimi i mjeteve të qëndrueshme	(59,173)	(53,664)	(5,509)	10.3%
Shpenzime për fonde rezervë për huatë	(113,666)	(30,408)	(83,258)	273.8%
Shpenzime për fonde rezervë të tjera	1,992	7,371	(5,379)	-73.0%
Totali i shpenzimeve operative	(866,721)	(673,746)	(192,975)	28.6%
Veprimtaritë e jashtëzakonshme	15,550	8,173	7,377	90.3%
Fitimi para tatimit	411,988	555,083	(143,095)	-25.8%
Tatimi mbi fitimin	(53,532)	(66,455)	12,923	-19.4%
Fitimi neto për periudhën	358,456	488,628	(130,172)	-26.6%

Banka Union

Raportet Financiare Periodike, Mars 2025

(shifrat në Mijë Lekë, përveçse kur shprehet ndryshe)

2.4 Tregues të rentabilitetit të Bankës¹:

	31 Mars 2025	31 Dhjetor 2024	30 Shtator 2024	30 Qershor 2024	31 Mars 2024	31 Dhjetor 2023
1. Kthyeshmëria nga aktivet mesatare (ROA) [të ardhurat neto / aktivet mesatare *100]	1.35%	1.59%	1.80%	1.77%	1.96%	1.41%
2. Rezultati neto i jashtëzakonshëm / aktivet mesatare	0.06%	0.10%	0.07%	0.07%	0.03%	0.12%
3. Shpenzimet e përgjithshme të veprimtarisë / të ardhurat bruto të veprimtarisë	45.37%	45.65%	44.49%	44.57%	41.65%	44.93%
4. Të ardhurat neto nga interesi / shpenzimet e përgjithshme të veprimtarisë	129.10%	127.75%	131.30%	132.46%	144.75%	134.82%
5. Kthyeshmëria nga kapitali aksionar mesatar (ROE) [të ardhurat neto/kapitali aksionar mesatar *100]	15.90%	21.93%	24.45%	23.73%	25.70%	18.74%
6. Aktive për punojës [totali i aktiveve/ numri i regjistruar i punojësve] në Lekë'000	200,190	205,312	201,686	198,809	200,674	205,187
7. Të ardhurat neto nga interesat / aktivet mesatare	3.66%	3.83%	3.84%	3.76%	3.77%	3.64%
8. Marzhi neto nga interesat:[Të ardhurat neto nga interesat / aktivet mesatare që sjellin të ardhura]	4.20%	4.51%	4.54%	4.40%	4.48%	4.42%
9. Të ardhurat nga interesat / aktivet mesatare	5.07%	5.25%	5.22%	5.11%	5.05%	4.82%
10. Shpenzime për interesa / aktive mesatare	1.40%	1.42%	1.38%	1.35%	1.27%	1.18%
11. Të ardhurat neto nga interesat / të ardhurat bruto të veprimtarisë	58.57%	58.32%	58.41%	59.04%	60.29%	60.58%
12. Të ardhurat neto nga veprimtaritë e tjera / aktivet mesatare	0.18%	0.04%	0.05%	0.04%	0.07%	0.01%
13. Shpenzimet jo për interesa / të ardhurat bruto të veprimtarisë	53.76%	52.00%	49.18%	48.49%	44.66%	55.67%
14. Shpenzime personeli / të ardhurat bruto të veprimtarisë	20.45%	19.88%	18.76%	18.56%	17.00%	18.57%
15. Shpenzime për provigjone / aktivet mesatare	0.43%	0.32%	0.23%	0.16%	0.12%	0.42%

Siç mund të shihet edhe nga tabela e detajuar më sipër, treguesit e rentabilitetit të Bankës janë të qëndrueshëm dhe një pjesë e mirë e tyre në përmirësim në kohë. Ecuria e koeficientëve të performancës ndikohet nga rritja e qëndrueshme e aktivitetit shoqëruar me ruajtjen e margjins dhe një rritje e shpenzimeve të Bankës për të mundësuar planet e investimit dhe të rritjes së saj.

¹ Treguesit e mësipërm janë llogaritur sipas kërkesave të Rregullores Nr.60, datë 29.08.2008 të Bankës së Shqipërisë (e ndryshuar). Ato janë llogaritur mbi pasqyrat financiare individuale të Bankës, dhe aty ku ka nevojë janë shprehur në bazë vjetore.

3. Struktura e Kapitalit Rregullator

Kapitali rregullator i Bankës në bazë të karakteristikave të tij dhe kushteve të përcaktuara në rregulloren për "Kapitalin rregullator të bankës", ndahet në dy kategori

- a) kapital i nivelit të parë
- b) kapital i nivelit të dytë

a) **Kapitali i nivelit I** llogaritet si shumë e kapitalit bazë të nivelit të parë dhe kapitalit shtesë të nivelit të parë, duke marrë në konsideratë zbritjet sipas kërkesave rregulatore. Elementet përbërës të tij janë:

- kapitali i paguar, i cili përbëhet nga aksionet e zakonshme, të cilat mbartin të gjitha karakteristikat e ligjit "Për tregtarët dhe shoqëritë tregtare. Kapitali i paguar përbëhet nga aksione të cilat nuk janë preferenciale dhe nuk ka kufizime mbi to;
- primet e këtyre aksioneve;
- fitimet e pashpërndara, të cilat janë të lira nga çdo detyrim i ardhshëm, përfshihen në kapitalin bazë të nivelit të parë të Bankës, vetëm me miratimin e asamblesë së përgjithshme për pjesën që parashikohet të jetë element përbërës i tij;
- fitimi ushtrimor i fundvitit;
- fitimi ushtrimor i periudhës raportuese, i cili përfshihet vetëm në rast se plotësohen kushtet e përcaktuara në rregullore;
- rezervat, të cilat përfshijnë rezervat ligjore të krijuara me vendim të asamblesë së aksionareve;
- diferencat e rivlerësimit. Kapitali i Bankës që është në valutë të huaj, vlerësohet në Lekë me kursin në periudhën raportuese, por në bilanc mbahet me vlerën fillestare (koston historike të tij), diferencat e lindura nga ky trajtim, përbëjnë pikërisht diferencat e rivlerësimit.

Si zë zbritës i kapitalit bazë të nivelit të parë janë:

- humbjet e periudhës raportuese;
- aktivet e patrupëzuara;
- pjesën e shumëve të pjesëmarrjeve të drejtpërdrejta në instrumentet e kapitalit të nivelit të parë në Filiale, ku Banka ka investime të rëndësishme, duke konsideruar si pjesë të zbritshme: a) atë që tejkalon kufirin prej 10% të kapitalit bazë të nivelit të parë, për çdo investim, llogaritur ky para këtyre zbritjeve dhe b) pjesën e mbetur të investimeve të marra së bashku, që tejkalon 17.65% të kapitalit bazë të nivelit të parë pas zbitjeve.

b) **Kapitali i nivelit II** përbëhet nga borxh i varur, i cili plotëson kushtet për t'u përfshirë në kapitalin e nivelit të dytë. Borxhi i varur është emetuar nga Banka dhe është plotësisht i paguar.

Më poshtë po japim një tabelë përlllogaritëse të kapitalit rregullator të Bankës për Mars 2025 dhe Dhjetor 2024:

	Mars 2025	Dhjetor 2024
Kapitali Rregullator	10,061,360	10,019,953
Kapitali i Nivelit të Parë	8,778,824	8,718,521
Kapitali Bazë i Nivelit të Parë	8,778,824	8,718,521
Instrumenta të kapitalit të njohura si Kapital Bazë i Nivelit I (KBN1)	4,059,412	4,059,412
Kapitali i paguar	3,883,812	3,883,812
Primet e aksioneve	175,600	175,600
Fitimet e pashpërndara	4,721,904	4,721,904
Fitimet e pashpërndara dhe humbjet e mbartura nga periudhat e mëparshme	3,080,560	3,080,560
Fitimi ushtrimor i fundit të vitit	1,641,343	1,641,343
Fitimi ushtrimor i periudhës raportuese	-	-
Rezervat (përveç rezervave të rivlerësimit)	1,075,744	1,075,744
Diferenca rivlerësimi kreditore	(842,416)	(879,352)
(-) Aktive të tjera të patrupëzuara	(235,819)	(259,187)
(-) Instrumenta të KBN1 të subjekteve të sektorit fin. ku banka ka investimeve të rëndësishme	-	-
(-) Shuma që tejkalon kufirin prej 17.65%	-	-
Kapitali Shtesë i Nivelit të Parë	-	-
Kapitali i Nivelit të Dytë	1,282,536	1,301,432
Instrumenta të kapitalit të paguara plotësisht dhe borxhi i varur	1,282,536	1,301,432

Kapitali bazë i nivelit të parë duhet të jetë në çdo kohë më i madh se niveli i kapitalit minimal të kërkuar.

4. Mjaftueshmëria e Kapitalit

Kapitali rregullator duhet në çdo kohë të mbulojë kërkesën për kapital të nevojshëm për mbulimin e rrezikut të kredisë, të mbulimit të rrezikut të tregut dhe të mbulimit të rrezikut operacional.

Mjaftueshmëria e kapitalit llogaritet si raport ndërmjet shumës së kapitalit rregullator me shumën e ekspozimeve të ponderuara me rrezikun, shprehur kjo në përqindje, në zbatim të plotë të rregulloreve në fuqi.

Mbështetur në rregulloren e Bankës së Shqipërisë për "Raportin e Mjaftueshmërisë së Kapitalit", Nr. 48, datë 31.07.2013, Banka përlllogarit raportin e mjaftueshmërisë së kapitalit si:

Në Mijë Lekë	31 Mars 2025	31 Dhjetor 2024
1. Kapitali rregullator	10,061,360	10,019,953
2. Totali i ekspozimeve të ponderuara me rrezik	57,898,208	55,944,798
3. Kapitali bazë i nivelit të parë/ Ekspozimet e ponderuara në rrezik $\geq 4.5\%$	15.16 %	15.58 %
4. Kapitali i nivelit të parë/ Ekspozimet e ponderuara në rrezik $\geq 6.0\%$	15.16 %	15.58 %
5. Raporti i mjaftueshmërisë së kapitalit (RMK) $\geq 12\%$	17.38 %	17.91 %

Ekspozimet e ponderuara me rrezikun llogariten si shumë e elementeve të mëposhtëm:

- zërave të ekspozimeve dhe ekspozimeve të mundshme, të ponderuar me rrezikun e kredisë dhe rrezikun e kundërpartisë, të llogaritura sipas Metodës Standarde të rregullores së Mjaftueshmërisë së Kapitalit, duke përjashtuar ekspozimet e ponderuara me rrezikun e librit të tregtueshëm të bankës;
- kërkesës për kapital për rrezikun e tregut, të llogaritur sipas kërkesave të rregullores së Mjaftueshmërisë së Kapitalit, të shumëzuara me 12.5;
- kërkesës për kapital për rrezikun operacional, të llogaritur sipas Metodës së treguesit të thjeshtë, të përcaktuar në rregulloren e Mjaftueshmërisë së Kapitalit, të shumëzuara me 12.5

Më poshtë po japim këtë përlllogaritje:

	31 Mars 2025	31 Dhjetor 2024
Shuma e ekspozimeve të ponderuara me rrezik për rrezikun e kredisë	49,900,498	47,947,088
Shuma e ekspozimeve të ponderuara me rrezik për rreziqet e tregut	-	-
Shuma e ekspozimit të ponderuar me rrezik për rrezikun operacional	7,997,709	7,997,709
Totali i ekspozimeve të ponderuar me rrezik	57,898,208	55,944,798

Banka llogarit dhe përmbush edhe kërkesat e kapitalit sipas udhëzimit "Për procesin e vlerësimit të brendshëm të mjaftueshmërisë së kapitalit" i miratuar nga Këshilli Mbikëqyrës i Bankës së Shqipërisë. Gjithashtu, Banka zbaton kërkesat e rregullores "Për shtesat makroprudenciale të kapitalit", miratuar me vendimin nr. 41, datë 5.6.2019 të Këshillit Mbikëqyrës së Bankës së Shqipërisë. Bazuar në kërkesat e kësaj rregullore dhe në përputhje me vendimet përkatëse të Guvernatorit, Banka ka siguruar kapital të mjaftueshëm për të përmbushur shtesat makroprudenciale të kapitalit të cilat për vitin 2025 janë në masën 2.5% (për vitin 2024: 2.5%).

Në zbatim të rregullores për Procesin e Vlerësimit të Brendshëm të Nevojës për Kapital (PVBMK) norma e synuar e mjaftueshmërisë së kapitalit të Bankës për vitin 2025 është 12.95% (për vitin 2024: 12.66%). Theksojmë se përgjatë këtij procesi, Banka vlerëson një gamë më të gjerë rreziqesh, përfshi edhe rrezikun strategjik, atë reputacional, atë të të ardhurave, si dhe rrezikun e kapitalit, për të cilët vlerësohet nëse Banka është e ekspozuar dhe nëse ka nevojë për kapital shtesë.

Rreziku i kredisë: Informacion për portofolin e kredisë sipas metodës standarde

Për llogaritjen e shumave të ekspozimeve të ponderuar me rrezik për mbulimin e rrezikut të kredisë, Banka përdor metodën standarde të rregullores së Bankës së Shqipërisë për "Raportin e Mjaftueshmërisë së Kapitalit". Bazuar në këtë rregullore, të gjitha ekspozimet dhe ekspozimet e mundshme të Bankës grupohen nëpër klasa të ekspozimeve dhe në varësi të rrezikut të grupeve më të vogla brenda secilës klasë të ekspozimit, këto ekspozime dhe ekspozime të mundshme shpërndahen nëpër klasa rreziku të vlefshme për ponderimet e përcaktuara po në këtë rregullore.

Brenda klasave të ekspozimeve, aty ku është e vlefshme, Banka përdor vlerësimet e ECAI-ve për të përcaktuar përqindjen e rrezikut të ekspozimeve të ndryshme. ECAI-të, vlerësimet e të cilave Banka përdor për këtë vlerësim të rrezikut janë Moody's, Fitch dhe S&P.

Në këtë përlllogatitje nuk përfshihen ekspozimet që janë zbritur në kapitalin rregullator të Bankës. Aty ku ekspozimet në investimet në shoqëri në sektorin financiar, nuk kalojnë kufinjte për të cilat aplikohet zbritje në kapitalin rregullator të Bankës, këto ekspozime përfshihen në klasën e ekspozimeve "Të kapitalit" dhe ponderohen me një peshë rreziku prej 250%.

Teknikat e zbutjes së rrezikut të kredisë

Bazuar në rregulloren për "Raportin e Mjaftueshmërisë së Kapitalit ", Banka përdor si teknika të zbutjes së rrezikut mbrojtjen e financuar dhe të pafinancuar të kredisë. Në mbrojtjen e financuar, për qëllime të përdorimit të *cash-collateral* si teknikë zbutjeje, Banka përdor metodën gjithëpërfshirëse për kolateralin financiar. Në bazë të kësaj metode, vlera e rregulluar e kolateralit financiar në fund të Mars 2025 është 2,958,293 Mijë Lekë (Dhjetor 2024: 2,883,486 Mijë Lekë). Si teknikë të mbrojtjes së pafinancuar të kredisë, Banka përdor mënyrën e zëvendësimit të ekspozimit ndaj klientëve, me atë ndaj Qeverisë qendrore dhe ndaj Bankave shumëpalëshe të zhvillimit, për shumën e kredive të garantuara nga palët respektive. Vlera e ekspozimit të zëvendësuar nga garancitë e marra në fund të Mars 2025 është 1,771,939 Mijë Lekë (Dhjetor 2024: 1,857,531 Mijë Lekë).

Tabela më poshtë jep informacion mbi ekspozime të ndryshme sipas peshave të rrezikut, para aplikimit të koeficientëve përkatës për ponderimin e secilës peshë rreziku:

Peshat e rrezikut	Ekspozimi para faktorëve të konvertimit	Vlera e ekspozimit e rregulluar plotësisht (E)	Vlera e ekspozimit pas faktorëve të konvertimit dhe teknikave zbutëse
0%	38,304,734	40,076,673	39,857,562
10%	-	-	-
20%	9,721,338	9,721,338	9,721,338
35%	3,428,188	3,422,284	3,422,284
50%	2,623,108	2,616,419	2,605,029
75%	20,839,415	18,792,280	18,047,615
85%	2,712,228	2,712,228	2,712,228
100%	25,355,813	22,871,727	22,181,209
125%	3,643,803	3,513,956	3,364,778
150%	2,317,371	2,260,801	2,224,307
200%	100,290	100,290	100,290
250%	460,671	460,671	460,671

Rreziku i kundërpartisë

Rreziku i kredisë së kundërpartisë është rreziku i dështimit të një kundërpattie në një transaksion, para se të bëhet pagesa finale e flukseve të parasë së transaksionit. Ekspozimet e Bankës ndaj kundërpalëve menaxhohen me limite specifike të miratuar për secilën kundërpalë dhe trajtohen në përputhje me kërkesat e kreut III - Rreziku i kredisë, të rregullores "Për raportin e mjaftueshmërisë së kapitalit".

Banka Union në përgjithësi ka qasje konservatore duke qenë ndjeshëm nën ekspozimet maksimale të mundshme.

Banka Union
Raportet Financiare Periodike, Mars 2025
(shifrat në Mijë Lekë, përveçse kur shprehet ndryshe)

Tabela më poshtë jep shpërndarjen e ekspozimeve dhe ekspozimeve të mundshme të Bankës sipas klasave të ekspozimeve dhe peshës së rrezikut, kjo e fundit bazuar në vlerësimin e ECAI-ve apo plotësimin të kushteve rregullatore për secilën klasë ekspozimi.

Klasat e ekspozimeve	Vlerësimet nga:	Peshat e rrezikut											
		0%	10%	20%	35%	50%	75%	85%	100%	125%	150%	200%	250%
Ekspozime ose ekspozime të mundshme ndaj qeverive qendrore ose bankave qendrore	Nuk ka	17,607	-	-	-	-	-	-	-	-	-	-	-
	ECAI	33,541,304	-	748,958	-	685,317	-	-	2,146,105	-	-	-	-
Ekspozime ose ekspozime të mundshme ndaj qeverive rajonale ose autoriteteve lokale	Nuk ka	-	-	-	-	-	-	-	312	-	462	-	-
	ECAI	-	-	-	-	-	-	-	-	-	-	-	-
Ekspozime ose ekspozime të mundshme ndaj organeve administrative dhe OjF-ve	Nuk ka	1,754,331	-	-	-	-	-	-	-	-	-	-	-
	ECAI	1,418,284	-	101,737	-	-	-	-	-	-	-	-	-
Ekspozime ose ekspozime të mundshme ndaj bankave shumëpalëshe të zhvillimit	Nuk ka	191,765	-	-	-	-	-	-	-	-	-	-	-
	ECAI	-	-	-	-	-	-	-	-	-	-	-	-
Ekspozime ose ekspozime të mundshme ndaj organizatave ndërkombëtare	Nuk ka	-	-	-	-	-	-	-	-	-	-	-	-
	ECAI	-	-	8,492,190	-	842,635	-	-	4,344,038	-	45,831	-	-
Ekspozime ose ekspozime të mundshme ndaj institucioneve të mbikëqyrura	Nuk ka	-	-	-	-	-	-	-	13,018,971	-	1,154,057	-	-
	ECAI	-	-	55,391	-	262,681	-	-	394,655	-	-	-	-
Ekspozime ose ekspozime të mundshme ndaj shoqërive tregtare (korporatave)	Nuk ka	-	-	-	-	-	17,831,935	-	-	3,253,879	-	-	-
	ECAI	-	-	-	-	-	-	-	-	-	-	-	-
Ekspozime ose ekspozime të mundshme ndaj portofoleve me pakicë (retail)	Nuk ka	-	-	-	3,422,284	814,396	215,680	2,712,228	535,560	110,899	93,644	-	-
	ECAI	-	-	-	-	-	-	-	606,915	-	83,176	-	-
Ekspozime (kredi) me probleme	Nuk ka	-	-	-	-	-	-	-	-	-	-	-	-
	ECAI	-	-	-	-	-	-	-	-	-	847,136	100,290	-
Ekspozime ndaj kategorive të klasifikuara me rrezik të lartë	Nuk ka	-	-	-	-	-	-	-	-	-	-	-	460,671
	ECAI	-	-	-	-	-	-	-	-	-	-	-	-
Ekspozime të kapitalit	Nuk ka	2,934,271	-	83,838	-	-	-	-	1,134,653	-	-	-	-
	ECAI	-	-	-	-	-	-	-	-	-	-	-	-
Zëra të tjerë	Nuk ka	-	-	-	-	-	-	-	-	-	-	-	-

Titullzimi

Jo e aplikueshme (N/A)

Rreziku i Tregut

Banka ekspozohet ndaj rreziqeve të tregut sa herë që vlera e tregut ose flukset e ardhme të parasë të një instrumenti financiar luhet si pasojë e ndryshimeve në çmimet e tregut. Rreziqet e tregut trajtohen nga Politika e Menaxhimit të Aktiv Pasivit, e cila përcakton kuadrin, përgjegjësitë dhe limitet/metodat e matjes dhe menaxhimit të këtyre rreziqeve. Politika aprovohet nga Këshilli Drejtues i Bankës dhe rishikohet të paktën një herë në vit. Ndërkohë, KAAP monitoron në mënyrë mujore këto rreziqe dhe merr masat/vendimet përkatëse në këtë kuadër.

Kërkesa për kapital për rrezikun e tregut llogaritet bazuar në kërkesat e kreut VII-Rreziku i tregut, në rregulloren "Për raportin e mjaftueshmërisë së kapitalit". Banka llogarit kërkesën për kapital për rrezikun e tregut si shumë të komponentëve të mëposhtëm:

- a) Kërkesa për kapital për aktivitetin në librin e tregtueshëm (vetëm nëse plotësohen kriteret e përcaktuara në rregullore), e cila përfshin:
 - i. Kërkesën për kapital për rreziqet e pozicionit;
 - ii. Kërkesën për kapital për rrezikun e përqëndrimit.
- b) Kërkesa për kapital rregullator për të gjitha pozicionet e bankës (pozicione në librin e tregtueshëm dhe pozicione në librat e bankës), e cila përfshin:
 - i. Kërkesën për kapital për rrezikun e kursit të këmbimit;
 - ii. Kërkesën për kapital për rrezikun e pozicioneve në mallra (commodities);
 - iii. Kërkesën për kapital për rrezikun e shlyerjes.

Lidhur me pikën a) më sipër, Banka nuk plotëson kushtet e përcaktuara në rregullore për madhësinë e librit të tregtueshëm dhe si rrjedhim llogarit kërkesën për kapital për aktivitetin në librin e tregtueshëm sipas kërkesave të kreut 3-Rreziku i kredisë. Lidhur me rrezikun e kursit të këmbimit, Banka çdo gjashtëmujor llogarit kërkesën për kapital nëse pozicioni valutor neto (total) është më i lartë se 2% e kapitalit të saj rregullator. Në këtë rast, bazuar në përcaktimet e nenit 173, kërkesa për kapital është sa 8% e madhësisë së pozicionit.

Në fund të Dhjetorit 2024 pozicioni total neto i hapur valutor është nën 2% të kapitalit rregullator, dhe për rrjedhojë nuk ka patur përlllogaritje të kërkesës për kapital për mbulimin e këtij rreziku (Dhjetor 2024: nuk ka patur kërkesë për kapital).

Një tabelë përmbledhëse e ekspozimit dhe kërkesës për kapital për rreziqet e tregut në fund të Mars 2025 jepen më poshtë:

Rreziqet e Tregut (000/Lekë)	Kërkesa për kapital	Ekspozimi i ponderuar me rrezik (kërkesa për kapital*12.5)
Rreziqet e pozicionit	-	-
Rreziku i përqëndrimit	-	-
Rreziku i kursit të këmbimit	-	-
Rreziku i pozicioneve në mallra	-	-
Rreziku i shlyerjes	-	-
Totali	-	-

Rreziku Operacional

Për matjen e kërkesës për kapital për mbulimin e rrezikut operacional, Banka përdor metodën e treguesit të thjeshtë. Sipas kësaj metode, në fund të Mars 2025 kjo kërkesë është 639,816 Mijë Lekë. Kjo përlllogaritje bëhet çdo vit, për datën 31 Dhjetor dhe mbahet e njëjtë gjatë vitit pasardhës deri në përlllogaritjen e rradhës.

Ekspozimet në instrumente të kapitalit: informacion mbi pozicionet e përfshira në librin e bankës

Jo e aplikueshme (N/A)

5. Informacion i Përgjithshëm për Ekspozimin ndaj Rreziqeve dhe Administrimin e Tyre

Rreziqet dhe kuadri i administrimit të rreziqeve

Veprimtaritë e Bankës e ekspozojnë atë ndaj një sërë rreziqesh financiare dhe këto veprimtari përfshijnë analizën, vlerësimin, pranimin dhe administrimin deri në një masë të rreziqeve ose kombinimit të tyre. Marrja përsipër e një niveli të caktuar të rrezikut është në qendër të biznesit financiar ndërkohë që rreziqet operacionale janë një rrjedhojë e pashmangshme e të qenit në biznes. Për pasojë, qëllimi i Bankës është arrija e një balance të përshtatshme ndërmjet rrezikut dhe fitimit dhe minimizimi i efekteve të mundshme negative në performancën e Bankës.

Për këtë qëllim Banka ka krijuar një kuadër gjithëpërfshirës në mënyrë që të administrojë rrezikun në mënyrë efektive nëpërmjet identifikimit, matjes, kontrollit, monitorimit dhe parandalimit të ngjarjeve potenciale që mund të rezultojnë në humbje apo në zvogëlimin e potencialit të bankës për të gjeneruar rezultate të qëndrueshme.

Mbrojtja e parë e Bankës kundër humbjeve është e reflektuar në kontrollet dhe modelin e brendshëm sipas të cilit Banka operon. Banka ka ndërtuar politika dhe procedura të nevojshme për administrimin e të gjithë rreziqeve me të cilët ballafaqohet. Në këtë kontekst, të gjithë proceset e biznesit janë dizenuar që të reduktojnë impaktet e mundshme nga rreziqet, duke respektuar “oreksin” e Bankës kundrejt rrezikut dhe nivelet e përcaktuara të tolerancës ndaj tij. Çdo punonjës dhe veçanërisht “pronarët” e proceseve, mbajnë përgjegjësi primare për administrimin e rreziqeve dhe për rrjedhojë mirëmbajtja e kontrolleve të nevojshme dhe e vigjilencës në nivelin e duhur, është pjesë rutine dhe e punës së tyre.

Përveç sa më sipër, prej kohësh, Banka ka edhe një Departament më vete për administrimin e rrezikut, i cili shërben si një burim parësor për promovimin e kulturës së rrezikut përgjatë të gjithë linjave të biznesit të Bankës. Ky departament paraqet raporte periodike të pavarura në Këshillin Drejtues të Bankës, paralelisht me ato të Menaxhimit. Raportet janë gjithëpërfshirëse dhe trajtojnë dhe analizojnë të gjithë rreziqet e identifikuar. Ky funksion përfaqësohet edhe në komitete të ndryshme që ka krijuar Banka të tilla si Komiteti i Menaxhimit të Aktiv-Pasivit, Komitetin e Rrezikut Operacional dhe Rreziqet e Tjera, Komitetin e Administrimit të Rrezikut të Kredisë si edhe në Komitetin e Menaxhimit të Kapitalit dhe Performancës, duke shprehur opinionet e pavarura në fushat respektive. Ky departament ka një bashkëpunim të shpeshtë dhe të ngushtë me të gjithë njësitë e biznesit dhe nivelin Ekzekutiv dhe zhvillon procese dhe kontrolle efektive të matjes dhe administrimit të rreziqeve, shoqëruar me raportet përkatëse.

Sic është specifikuar në seksionin 1.3.1 më sipër, dhe detajuar edhe më poshtë, Banka ka edhe një serë komitetesh, një pjesë e mirë e të cilëve e kanë në fokus rreziqet të cilat Banka është e ekspozuar gjatë kryerjes së aktivitetit të saj.

Duke konsideruar profilin e rrezikut dhe karakteristikat e tij, rreziqet me të cilët përballet Banka janë: Rreziku i Kredisë, Rreziku i Likuiditetit, Rreziku i Normave të Interesit, Rreziku i Kundërpartisë, Rreziku i Kurseve të Këmbimit dhe Rreziku Operacional, ku përfshihet edhe ai Ligjor, i Përputhshmërisë dhe rreziku Kibernetik. Politikat e Bankës lidhur me administrimin e rrezikut janë hartuar në mënyrë që të identifikojnë dhe analizojnë këto rreziqe, të vendosin kontrolle dhe limite të përshtatshme dhe kontrolle të rrezikut, si dhe të monitorojnë rreziqet dhe përjasjen e tyre ndaj limiteve me anë të sistemeve të besueshme dhe të përditësuara të informacionit.

Politikat e Bankës lidhur me administrimin e rrezikut janë hartuar në mënyrë që të identifikojnë dhe analizojnë këto rreziqe, të vendosin kontrollet dhe përcaktojnë limite të përshtatshme sipas kategorive të rrezikut, si dhe të monitorojnë, menaxhojnë dhe raportojnë këto rreziqe dhe respektimin e limiteve me anë të sistemeve të besueshme dhe të përditësuara të informacionit.

Politikat kryesore të administrimit të rreziqeve

Politika e Administrimit të Rrezikut

Politika përcakton rreziqet kryesore ndaj të cilave është e ekspozuar Banka, si dhe parimet kryesore dhe kuadrin e përgjithshëm të administrimit të rrezikut sipas kategorive të rreziqeve të identifikuar dhe të aplikueshme për Bankën.

Politika e Kredisë

Politika e Kredisë është dokumenti primar i cili përcakton parimet e administrimit të rrezikut të kredisë. Rreziku i Kredisë mund të ulet ose pakësohet me huadhënie të orientuar ndaj fluksit të parave, kolateral të mjaftueshëm si mbrojtje e nivelit të dytë, vendosje e përshtatshme e çmimeve bazuar në rrezikun optimal, strukturim efektiv dhe diversifikim të portofolit, kontrolle të nevojshme e gjithëpërfshirëse të Bankës, etj. Një pjesë shumë e rëndësishme e këtij procesi është edhe monitorimi i vazhdueshëm e i nevojshëm i fondeve rezervë për mbulimin e rrezikut (provigjioneve).

Politika e Administrimit të Aktiveve dhe Pasiveve (“AAP”)

Politika e AAP është dokumenti kryesor që drejton apo udhëheq aktivitetin e Bankës në lidhje me administrimin e Aktiveve dhe Pasiveve, duke përfshirë gjithë transaksionet me fondet, investimet e burimeve likuide dhe administrimin e rrezikut në pasyrën e bilancit. Paragrafet e mëposhtëm përshkruajnë shkurtimisht fushat kryesore të cilat adresojnë Politikën e AAP:

- Administrimi i Rrezikut të Likuiditetit:

Banka synon të mbajë një bazë depozituesish të mirë-diversifikuar dhe të lejojë akses të pëlqyeshëm e me opsione të ndryshme për tërheqjen e fondeve duke administruar përqëndrimet e mëdha dhe disbalancat strukturore. Përpos kësaj, Banka monitoron çdo faktor të brendshëm apo të jashtëm i cili mund të ketë impakt në kapacitetin që ka Banka për të qëndruar likuide. Politika AAP e Bankës ka zhvilluar modele sasiore për reduktimin e parasë së tepërt dhe aktiveve të tjera likuide të bankës, por në të njëjtën kohë duke respektuar edhe indikatorët e rrezikut të likuiditetit të përcaktuar nga Rregullatorët si dhe nga Këshilli Drejtues.

- Administrimi i Rrezikut të Normës së Interesit:

Rreziku i normës së interesit përkufizohet si nivel i ndjeshmërisë së fitimeve të Bankës dhe Kapitalit Aksionar në varësi të luhatjeve të normave të interesit. Rreziku i normës së interesit vjen si rezultat i mënyrës dhe shkallës së ndryshme me të cilën luhatja e normës së interesit ndikon tek aktivet dhe pasivet e Bankës si dhe elementët jashtë bilancit. Politika AAP të Bankës ka ndërtuar limite kontrolli të rrezikut, të cilat monitorohen vazhdimisht. Administrimi i rrezikut të normës së interesit përmbledh analiza «hendek» të ndryshimeve të aktiveve dhe pasiveve në lidhje me intervalet kohore të maturitetit, administrim të interesit marxhinal, vendosje dinamike të çmimeve në lidhje me ndjeshmërinë e aktive/pasiveve ndaj luhatjes së normës së interesit duke treguar kujdes ndaj pritshmërisë së tregjeve dhe gjithmonë duke mbetur brenda limiteve të përcaktuara.

- Administrimi i Rrezikut të Kursit të Këmbimit:

Rreziku i kursit të këmbimit vjen si rezultat i luhatjeve të kurseve të këmbimit të monedhave të huaja të cilat ndikojnë në ekspozimet në aktivet, detyrimet të Bankës si dhe zërat jashtë bilancit, të cilat janë denominuar në monedha të ndryshme nga Lekë. Politika AAP përfshin rregulla, procedura, instrumenta dhe mekanizma kontrolli, të cilat kanë për qëllim mbulimin dhe mbrojtjen nga rreziku i rivlerësimit të monedhës. Ky rrezik administrohet duke kontrolluar si këmbimin valutor ashtu edhe limitet e pozicioneve të hapura një-ditore duke qëndruar tërësisht në përputhje me përcaktimet dhe përkufizimet rregullatore.

Politika e Investimeve

Politika e Investimeve dhe derivativet e saj si Politika e Administrimit të Portofoleve të Letrave me Vlerë së bashku me Udhëzimin për Administrimin e Rrezikut të Portofoleve të Letrave me Vlerë përcakton bazat dhe kriteret primare për të administruar në mënyrë të përgjegjshme investimet financiare të Bankës, në përputhje me strategjinë e saj të biznesit. Kjo politike përcakton kriteret e investimeve të mundshme, limitet si dhe elementët e mbartur, të cilat konsiderohen si rreziqe potenciale nga këto investime, etj.

Politika e Rrezikut të Kundërpative

Rreziku ndaj ekspozimit të kundërpative trajtohet në mënyrë shumë të ngjashme si rreziku i kredisë dhe vlerësohet në mënyrë specifike ndaj bankave të tjera si dhe institucioneve financiare. Në këto raste, kredibiliteti i kundërpatisë dhe limitet përkatëse vlerësohen duke u bazuar në kriteret dhe metodologji të parapërcaktuara.

Politika për Transaksionet me Tituj dhe Shërbimet e ruajtjes dhe administrimit të instrumenteve financiare në emër të klientëve

Kjo politikë synon të sigurojë udhëzime dhe të përcaktojë rregullat ose kërkesat për palët e përfshira në veprimtarinë transaksionare dhe të ndërmjetësimit për llogari të klientit, në mënyrë që të sigurojë nivelin e duhur të mbrojtjes së klientit dhe ekzekutimin sa më mirë të transaksioneve për klientët e Bankës. Qëllimi i politikës është të lehtësojë përdorimin dhe shpërndarjen efikase të likuiditetit në dispozicion, të maksimalizojë fitimin nga ofrimi i shërbimeve investuese me tituj për llogari të klientëve, të përmbushë kërkesat / nevojat e investimeve të klientëve, të stimulojë aktivitetin e tregtimit të titujve dhe të adresojë kryesisht kërkesat / nevojat e investimeve që këta klientë kanë. Në këtë kontekst, Politika siguron një kornizë të përgjithshme rregulluese për një qasje të kujdesshme ndaj shërbimeve të investimit dhe atyre ndihmëse të titujve për llogari të klientëve dhe përmbushjes së objektivave të menaxhimit dhe qëllimeve të Bankës.

Politika e Rrezikut Operacional

Rreziku Operacional (“RO”) ndodh gjatë kryerjes dhe shpërndarjes të të gjithë produkteve dhe shërbimeve të Bankës e në të njëjtën kohë për shkak të procesimit të të gjitha transaksioneve ditore. Mund të vijë gjithashtu edhe si rezultat i pamjaftueshmërisë apo të dhënave të gabuara nga sistemi i informacionit, dështimit apo mosfunksionimit të teknologjisë, thyerje apo prishje të procedurave të kontrollit, si dhe mashtrimeve apo katastrofave të paparashikuara. Kuadri rregullativ i administrimit të RO të bankës përkufizon në mënyrë shumë të qartë RO për gjithë organizatën dhe një filozofi të menaxhimit dhe proces të vetëvlerësimit e raportimit. Po ashtu, ai përfshin raportim aktiv dhe monitorim në performancë të indikatorëve kyç të rrezikut, analiza të kujdesshme të shkaqeve të humbjeve të mundshme, reagim proaktiv ndaj incidenteve si dhe mirëmbajtje e përditësim të programeve të vazhdimësisë së biznesit.

Komitetet e administrimit të Rreziqeve²

Komiteti i Administrimit të Aktiv-Pasivit (“KAAP”)

Organizimi dhe mënyra e funksionimit të KAAP mbështetet në rregulloren e brendshme të KAAP dhe në Politikën AAP. Çështjet kryesore që trajtohen nga ky komitet janë: rreziku i normës së interesit dhe ai i likuiditetit, analiza e marzheve, analiza e rezultateve financiare të Bankës, ecuria e depozitave dhe investimeve, analiza e tregjeve dhe konkurrenteve, vlerësimi i mundësive të reja biznesi, etj. Në mënyrë më të detajuar këto janë trajtuar në Politikën AAP të Bankës.

Çështjet kryesore që ndiqen dhe analizohen në KAAP janë:

- Zhvillimet kombëtare dhe ndërkombëtare të tregjeve financiare, zhvillimet rregullative, parashikimet për normat e interesit dhe ecurinë e tregjeve, etj;
- Ecuria e fondeve, analiza e normave të interesit, struktura e aktiveve dhe portofoli i investimeve/ tregëtimit apo ndonjë mospërputhje në bilancin e Bankës dhe rreziqet që mund të vijnë prej tij;
- Situata aktuale dhe e pritshme e likuiditetit;
- Mjaftueshmëria e Kapitalit, edhe në kuadër të kërkesave të ICAAP dhe SHKOMAK;
- Ecuria e rezultateve të Bankës (analiza e pasqyrave financiare dhe e treguesve kryesore);
- Strategjia e investimeve në aktive financiare jo-kredi, në përputhje me strategjinë e përgjithshme të Bankës;
- Strategjia dhe procedurat e veprimtarisë së tregtimit, ndërmjetësimit dhe kujdestarisë së letrave me vlerë (titujve) të transferueshme me klientët e Bankës;
- Përcaktimi i politikave të çmimit dhe të tregtimit të instrumentave financiare (FX, Letra me Vlerë etj.) dhe paraqitja e tyre për aprovim në Këshillin Drejtues. Si dhe miratimi i rregulloreve që lidhen me ndërmjetësimin/ tregtimin e instrumentave financiare dhe shërbimeve mbështetëse të tyre;
- Analiza e ecurisë së veprimtarisë së tregtimit të letrave me vlerë;
- Arovimin e normave të interesit për produktet e depozitave; blerjeve të letrave me vlerë të huaja; marrëdhënieve të reja për veprimet FW të këmbimit;

² Përbërja e komiteteve është dhënë më sipër në seksionin 1.3.1

- Rendimenti dhe kosto e fondeve si dhe *spread*-i dhe *NIM*, në këtë kuadër;
 - a) Analiza e sensitivitetit të rrezikut të normës së interesit;
 - b) Koordinim të çmimit të produkteve me qëllim ruajtjen e *margins*.
- Ecuria e *FX* dhe aprovim të limiteve me zyrat e këmbimit;
- Përputhshmëri të veprimtarisë në përputhje me kërkesat/ndryshimet rregullatore;
- Rishikim të Politikave duke reflektuar në to ndryshimet/përmirësimet e nevojshme për të mundësuar vijueshmërinë e biznesit, optimizimin struktural të aktiveve, përfitueshmërinë nga investimet si dhe dhe menaxhimin sa me optimal të rrezikut, etj.

Ky informacion mundëson një monitorim të detajuar dhe të vazhdueshëm të rreziqeve të lartpërmendura, që është edhe baza për vendimmarrjen e KAAP.

Ky komitet si rregull mbledhet një herë në muaj (referohu edhe komenteve në faqen 6).

Komiteti i Rrezikut Operacional dhe Rreziqet e Tjera (“KRO”)

KRO monitoron në mënyrë periodike ngjarjet e humbjeve operacionale dhe ka caktuar përgjegjësitë për pakësimin e humbjeve dhe paraqitjen e zgjidhjeve të përshtatshme për mbulimin e rrezikut për aktivitetet që janë subjekt i rrezikut operacional. Ky komitet mbledhet sipas nevojave por si rregull, jo më pak se një herë në tre muaj duke vlerësuar ecurinë e rreziqeve operacionale të identifikuar dhe analizën e treguesve krahasuar me limitet e vendosura nga politika përkatëse. Në këtë Komitet bëhen propozime konkrete për trajnimet që lidhen me njohuritë mbi rreziqet në bankë duke synuar njëherësh edhe në promovimin e kulturës së rrezikut. Diskutimi dhe marrja e vendimeve në lidhje me Vazhdimësinë e Biznesit të Bankës zë një vend të veçantë në mbledhjet periodike të komitetit.

Komiteti merr në shqyrtim rezultatet e vlerësimeve të rrezikut operacional me linjat e biznesit në bankë me frekuencë vjetore.

Komiteti i Kredisë (“KKr”)

Komiteti i kredisë ka përgjegjësinë e vendimmarrjes, detajimit dhe implementimin e procedurave mbi bazë të politikës së aprovuar nga Këshilli Drejtues në fushën e kredidhënies. Siguron që procesi i miratimit të kredive të ndjekë procedurat/ politikat e Bankës në përputhje me kuadrin ligjor rregullativ; krijon një sistem të përshtatshëm për raportimin të Këshilli Drejtues lidhur me aplikimin e politikave dhe limiteve kreditore të vendosura. Anëtarët e Komitetit të Kredisë marrin vendime individuale për kreditë e biznesit dhe të individëve bazuar në raportet e vlerësimit të rrezikut të përgatitur nga Departamentet e Rrezikut nën Divizionin e Kredisë.

Komiteti i Menaxhimit të Rrezikut të Kredisë (“KMRK”)

Ky komitet është kryesisht përgjegjës për shqyrtimin dhe vendimmarrjen mbi ekspozimet kreditore, duke siguruar që procesi i huadhënies të jetë në përputhje me tolerancën ndaj rrezikut, politikën e kredisë dhe kërkesat rregullatore. Ky komitet luan rol kyç në zbatimin e strategjisë së menaxhimit të rrezikut të kredisë sa i përket portofolit kreditor. Komiteti siguron që procedurat e kredisë janë në përputhje me ligjet dhe rregulloret në fuqi si dhe politikën e kredisë, e cila aprovohet dhe rishikohet nga Këshilli Drejtues si rregull një herë në vit. Ai shqyrton përputhshmërinë me limitet dhe monitoron treguesit dhe limitet e paralajmërimit të hershëm të vendosur nga Banka në fushën e rrezikut të kredisë.

Në këtë komitet shqyrtohen parashikimet makroekonomike dhe zhvillimet financiare në vend të cilat ndikojnë në rrezikun e kredisë si dhe rishikohen periodikisht rezultatet e stress test-eve për cilësinë e portofolit të kredisë së bankës. KMRK ka rol të rëndësishëm në implementimin e politikave të provigjonimit, përfshirë kategorizimin dhe kriteret bazë të provigjonimit të tyre. Rikuperimi dhe fshirja e kredive (përpara miratimit përfundimtar nga Këshilli Drejtues) janë një pjesë e rëndësishme e fushës së punës së këtij komiteti. Komiteti shqyrton në baza vjetore efikasitetin e shoqërive të sigurimit të operuara nga Banka, shoqëritë e mbledhjes së borxheve, zyrat e ndryshme të vlerësimit të pronave etj. (referohu edhe komenteve në faqen 5).

Komiteti i Menaxhimit të Kapitalit dhe Performancës (“KMKP”)

Komiteti fokusohet në tre komponentë të rëndësishëm, pjesë integrale e menaxhimit të rrezikut në bankë: në lidhje me menaxhimin e kapitalit, në vlerësimet në lidhje me planin e rimëkëmbjes dhe së fundmi edhe me rishikimet e performancës financiare të bankës. Komiteti merr vendime kryesisht të fushës së menaxhimit të rrezikut të kapitalit dhe rishikon ato rreziqe të cilët nuk përfshihen në objektin e komiteteteve të tjera të rrezikut të krijuar në bankë.

Komiteti ndihmon menaxhimin e Bankës për sigurimin e një niveli optimal të kapitalit, me një strukturë eficiente. Merr në konsideratë dhe monitoron kërkesat për SHKOMAK si edhe të Levës Financiare. Ky komitet merr pjesë në Procesin e Vlerësimit të Brendshëm të Mjaftueshmërisë së Kapitalit si edhe monitoron dhe analizon periodikisht nivelet e normave aktuale të paralajmerimit të bankës përkundrejt atyre të parashikuara në PVBMK. Në kuadër të buxhetimit, ky komiteti rishikon rezultatin e RMK/SHKOMAK që del mbi bazë të skenareve për rritjen, përbërjen e aktiveve, provigjoneve, rezultatin e pritshëm financiar të Bankës. Komiteti rishikon dhe analizon realizimin e buxhetit dhe të çdo devijimi të rezultateve financiare nga buxheti më së pari i përket impaktin që mundet të ketë mbi kapitalin e bankës si edhe marrjen e masave për rregullimin e situatës në drejtim të realizimit të buxhetit apo kur nivelet i afrohen limiteve nën monitorim.

6. Borxhi i Varur

Borxhi i Varur i Bankës është në formën e Obligacioneve dhe është emetuar si më poshtë:

- në vitin 2020, 2.0 Milionë Euro me afat gjashtëvjeçar dhe normë kuponi fiks 3.25% në vit;
- në vitin 2021, 2.0 Milionë Euro me afat shtatëvjeçar dhe normë kuponi fiks 3.30% në vit;
- në vitin 2022, 3.0 Milionë Euro me afat shtatëvjeçar dhe normë kuponi fiks 3.50% në vit;
- në vitin 2023, 3.5 Milionë Euro me afat shtatëvjeçar dhe normë kuponi fiks 4.85% në vit;
- në vitin 2024, 5.0 Milionë Euro me afat shtatëvjeçar dhe normë kuponi fiks 5.00% në vit.

	<u>31 Mars 2025</u>	<u>31 Dhjetor 2024</u>
Borxhi i varur	1,538,995	1,521,325
Interesi i përlllogaritur	17,171	21,494
Totali	<u>1,556,166</u>	<u>1,542,819</u>

Të gjitha emetimet janë aprovuar nga Autoriteti i Mbikëqyrjes Financiare (“AMF”) miratuar nga Banka e Shqipërisë për njohje si pjesë e kapitalit rregullator të Bankës.

7. Rreziku i Kredisë**Struktura e administrimit të rrezikut të kredisë**

Rreziku i kredisë është rreziku që pala tjetër e një instrumenti financiar të dështojë në ripagimin e detyrimit dhe t’i shkaktojë Bankës humbje. Banka është subjekt i rrezikut të kredisë nëpërmjet veprimtarisë së saj huadhënëse dhe investuese.

Banka administron dhe kontrollon rrezikun e kredisë duke përcaktuar kufizimet për sasinë e rrezikut që është e gatshme të pranojë për palët individuale dhe ne grup/total, përqëndrimet gjeografike dhe të industrisë dhe duke monitoruar ekspozimet në lidhje me këto kufizime. Limitet kreditore të lejuara për një klient bazohen kryesisht nga profili individual i rrezikut të tij dhe rankimit të tij kreditor bazuar në kriteret e njohura të kreditimit. Kolateralet e vendosura për një kredi, lehtësi kredituese apo produkte të tjera janë elemente të tjerë që merren në konsideratë përgjatë aprovimit apo rinovimit të limitit kreditor të klientit.

Bazuar në politikat e aprovuara nga Këshilli Drejtues, Komiteti i Menaxhimit të Rrezikut të Kredisë është përgjegjës për administrimin e rrezikut të kredisë. Përgjegjësitë dhe detyrat e këtij Komiteti përfshijnë:

- Mbikëqyr zbatimin e strategjisë për menaxhimin e rrezikut të kredisë dhe siguron që ajo të jetë në përputhje me profilin e rrezikut të bankës;

- Vendos për ndërmarrjen e veprimeve kryesore/strategjike për të siguruar arritjen e objektivave në lidhje me menaxhimin e rrezikut të kredisë së portofolit;
- Rishikon përputhshmërinë me limitet dhe treguesit e monitorimit të përcaktuar në Oreksin për rrezik të Bankës;
- Monitoron zbatimin e politikave dhe procedurave të Bankës për menaxhimin e rrezikut të kredisë dhe jep propozime për rishikimin dhe përditësimin e vazhdueshëm të tij;
- Rishikon përputhjen me limitet e brendshme dhe të jashtme në lidhje me rrezikun e kredisë;
- Ndjek zhvillimet makroekonomike dhe të tregut financiar që ndikojnë në rrezikun e kredisë;
- Rishikon dhe analizon parametrat kryesorë të rrezikut të kredisë siç përcaktohen në Politikën e Rrezikut të Kredisë;
- Analizon strukturën e portofolit të kredisë dhe monitoron rrezikun e përqëndrimit (zakonisht çdo tremujor). Propozon limitet e pranueshme të përqëndrimit sipas sektorëve të ekonomisë, shpërndarjes gjeografike, portofolit me rrezik të lartë, ekspozimit maksimal ndaj kategorive të caktuara si ekspozimi ndaj aksionarëve dhe palëve të tjera të lidhura etj.
- Rishikon analizën e stress test-it për vlerësimin e cilësisë së portofolit të bankës, edhe në kuadër të PVBMK;
- Rishikon dhe aprovon fondin rezervë për kreditë sipas standarteve lokale dhe ndërkombëtare (IFRS);
- Rishikon ecurinë e aktiviteteve të mbledhjes dhe strategjisë në lidhje me menaxhimin e kredive me probleme, duke përfshirë procedurat ligjore, ekzekutimin e kolateralit dhe praktikat përmbartimore;
- Propozon portofolin që klasifikohet për t'u fshirë dhe monitoron zbatimin e objektivave të rikuperimit të këtij portofoli;
- Vlerëson efikasitetin e kompanive të sigurimit, aktivitetin e shoqërive të mbledhjes së borxheve, zyra të përmbartimit, zyra të vlerësimit të pasurive dhe aktivitete të tjera të nënkontaktuara të lidhura me rrezikun e kredisë (të paktën çdo vit).

Në trajtimin e rrezikut të kredisë, ndarja e përgjegjësisë në fushën e administrimit të rrezikut, organizohet si në vijim:

- Divizioni i Kredisë – është përgjegjës për vlerësimin e rrezikut në procesin e kredidhënies, si për klientët individë ashtu dhe për jo-individët. Në strukturën e këtij divizioni përfshihen strukturat përgjegjëse për vlerësimin e rrezikut të kredisë, vlerësimin e kolateraleve, monitorimin/ndjekjen e kredive në vonesë, përlllogaritjen e provigjioneve sipas standardit lokal (BoA), etj.
- Departamenti i Menaxhimit të Rrezikut – nëpërmjet Njësisë së Rrezikut dhe Kontrollit të Kredive, është përgjegjës për: menaxhimin e rrezikut të kredisë në nivel portofoli, përgatitjen e raporteve dhe analizave specifike, kryerjen e stress testeve, përlllogaritjen e provigjioneve sipas standardit IFRS dhe kontrollin e provigjioneve të përlllogaritura nga Departamenti i Menaxhimit të Portofolit të Kredive, çështjet që lidhen me kapitalin rregullator (dhe mjaftueshmërinë e kapitalit), etj.

Çdo njësi biznesi i kërkohet të zbatojë politikën dhe procedurat e kredisë në Bankë me autoritetin e aprovimit të kredisë të deleguar nga Divizioni i Kredisë dhe Komiteti i Kredisë. Çdo njësi biznesi është përgjegjës për cilësinë dhe performancën e portofolit të saj të kredisë dhe për monitorimin dhe kontrollin e rreziqeve të kredisë në portofolin e saj, përfshirë dhe ato që janë subjekt i aprovimit në Komitetin e Kredisë. Për më tepër, kontrolle të rregullta të njësisë të biznesit dhe proceseve të kredisë në Bankë ndërmerren nga Kontrolli i Brendshëm.

Bazuar në politikën e aprovuar nga Këshilli Drejtues, Komiteti i Menaxhimit të Aktiv Pasiveve të Bankës është përgjegjës për menaxhimin e rrezikut të kredisë të lidhur me investimet. Përveç kësaj Departamenti i Thesarit, që raporton tek Drejtori i Përgjithshëm, dhe Departamenti i Menaxhimit të Rrezikut, janë përgjegjës për monitorimin e rrezikut të kredisë që lidhet me investimet në tituj dhe tregun e parave të Bankës..

Ekspozimi ndaj rrezikut të kredisë administrohet gjithashtu pjesërisht nga marrja e kolateraleve dhe garancive, të tilla si prona hipotekare ose rezidenciale, pengje mbi aktivet dhe inventarët e bizneseve, depozita dhe llogari të vendosura në bankë (kolateral në mjete monetare) dhe garanci personale për kredinë. Në linjë me zhvillimet në treg, Banka jep edhe kredi konsumatore apo kredi biznesi të vogla të pasiguruara me kolateral financiar apo pasuri hipotekore.

Kategorizimi i kredive në kuadër të rrezikut të kredisë

Banka ka krijuar procedurat përkatëse për administrimin e rrezikut të kredisë, përshtatur kjo me vëllimin, kompleksitetin e veprimtarisë së saj, por gjithmonë duke u bazuar në rregulloren nr. 62 të Bankës së Shqipërisë "Për Administrimin e rrezikut të kredisë".

Mbështetur në këtë rregullore, Banka klasifikon kreditë në bazë të ditëvonesave në shlyerjen e kredisë dhe gjendjes financiare të kredimarrësit sipas kategorive të mëposhtme:

- a) standarde;
- b) në ndjekje;
- c) nënstandarde;
- d) të dyshimta;
- e) të humbura

Banka për persona apo grup personash të lidhur me njëri-tjetrin, për të cilët është regjistruar më shumë se një ekspozim, bëjnë klasifikimin e kredive në një kategori të vetme, duke u bazuar në klasifikimin më të ulët ndërmjet klasifikimeve individuale.

Portofoli kreditor, kreditë me probleme dhe krijimi i fondeve rezervë

Kreditë konsiderohen me probleme kur janë të klasifikuara në një nga tre klasat e fundit të kategorive të mësipërme. Në varësi të kategorive të mësipërme, Banka krijon fonde rezervë për mbulimin e humbjeve të mundshme nga kreditë. Fondet krijohen në përputhje me rregulloren për "Administrimin e rrezikut të kredisë", duke aplikuar normat e provigjonimit të çdo kategorie në të cilën kredia/klienti bën pjesë, si mbi principalin e mbetur dhe mbi interesin e rrjedhur për këto kredi.

Ekspozimi ndaj rrezikut të kredisë administrohet gjithashtu pjesërisht nga marrja e kolateraleve dhe garancive. Llojet kryesore të kolateraleve janë:

- Prona hipotekore ose rezidenciale;
- Pengje mbi aktivet dhe inventaret e bizneseve;
- Depozita dhe llogari të vendosur në bankë (kolateral në mjete monetare);
- Garantë personale për kredinë
- Skemat e ndarjes së rrezikut kreditor (risk sharing).

Përveç kredive me afat dhe overdrafteve të biznesit që janë siguruar nga llojet e mësipërme të kolateralit, Banka jep gjithashtu overdrafte në llogaritë e pagës. Nuk merren pengje për këto lloj paradhënesh për sa kohë që pagesat mujore të pagave kompensojnë pjesën e përdorur të limitit të dhënë. Garancitë financiare dhe letrat në pritje të kredisë janë të kolateralizuara me mjete monetare.

Më poshtë është kredia e dhënë klientëve, e grupuar sipas tipit të klientit:

	31 Mars 2025	31 Dhjetor 2024
Kredi dhënë institucioneve financiare	4,584,262	4,514,046
Kredi dhënë individeve	25,377,517	24,632,016
Kredi dhënë kompanive	24,283,217	23,794,968
Totali	54,244,996	52,941,030

Portofoli i mësipërm i kredisë ka një thyerje sipas maturitetit të mbetur kontraktual të tillë:

							31 Mars 2025
Produkti	Deri 1 muaj	1 - 3	3 - 6	6 - 12	1 - 5 vite	>5 vite	Totali
Kredia	873,773	65,642	718,654	1,495,533	17,597,173	28,148,982	48,899,757
Overdrafte	553,629	869,348	693,498	1,590,085	1,212,682	-	4,919,242
Karta Krediti	3,871	-	51	118	421,957	-	425,997
Totali	1,431,273	934,990	1,412,203	3,085,736	19,231,812	28,148,982	54,244,996

							31 Dhjetor 2024
Produkti	Deri 1 muaj	1 - 3	3 - 6	6 - 12	1 - 5 vite	>5 vite	Totali
Kredia	390,899	558,747	175,515	2,019,533	17,300,001	27,605,068	48,049,763
Overdrafte	397,660	639,408	867,273	1,507,297	1,082,518	-	4,494,156
Karta Krediti	3,865	-	94	132	393,020	-	397,111
Totali	792,424	1,198,155	1,042,882	3,526,962	18,775,539	27,605,068	52,941,030

Banka Union

Raportet Financiare Periodike, Mars 2025

(shifrat në Mijë Lekë, përveçse kur shprehet ndryshe)

Fondet rezervë për mbulimin e humbjeve të mundshme të kredive përlogariten çdo muaj. Në fund të Mars 2025 dhe Dhjetorit 2024, këto fonde ishin krijuar për këto kategori të kredive të Bankës:

	31 Mars 2025	31 Dhjetor 2024
Hua standarde	477,062	471,905
Hua në ndjekje	101,128	75,606
Hua nënstandarde	228,298	424,112
Hua të dyshimta	762,707	441,193
Hua të humbura	1,253,973	1,276,655
Totali i provigjoneve për huatë	2,823,168	2,689,471

Më poshtë po japim klasifikimin e portofolit të kredisë sipas një shpërndarje gjeografike:

31 Mars 2025			
	Teprica bruto	Provigjone	Kredi me probleme
Tiranë	39,741,095	2,062,234	2,287,315
Durrës	3,615,367	146,834	135,665
Veri	4,038,812	195,449	208,342
Jug	4,765,786	219,703	245,450
Juglindje	2,083,936	198,948	200,179
Totali	54,244,996	2,823,168	3,076,951

Klasifikimi i portofolit të kredisë sipas sektoreve të ekonomisë:

31 Mars 2025			
	Teprica bruto	Provigjone	Kredi me probleme
Tregtia me shumicë dhe pakicë	6,814,935	471,150	635,526
Ndërtimi dhe pasuri të patundshme	6,255,418	554,864	540,197
Akomodimi dhe aktivitetet e shërbimit të ushqimit	6,007,444	435,556	586,593
Aktivitetet Financiare dhe të Sigurimit	5,429,875	32,392	3,093
Aktivitete të tjera shërbimi	1,681,633	55,376	50,980
Informacioni dhe Komunikacioni	772,970	18,122	4,088
Industria nxjerrëse dhe përpunuese	3,100,526	304,212	316,698
Furnizimi me Energji Elektrike, Gaz e Avull dhe me Ajër të kondicionuar	1,142,449	12,016	1,157
Arsimi	432,871	69,627	73,191
Të tjera	3,674,886	147,261	140,525
Individë	18,931,989	722,592	724,903
Totali	54,244,996	2,823,168	3,076,951

Më poshtë po japim ndryshimet të fondet rezervë për humbjet nga kreditë gjatë periudhës:

- Huatë standarde dhe në ndjekje

	31 Mars 2025	31 Dhjetor 2024
Gjendja në fillim të vitit	547,512	514,386
Provigjioni për vitin, neto	26,877	51,142
Efekti i ndryshimit të kursit të këmbimit	3,801	(18,016)
Gjendja në fund të vitit/periudhës	578,190	547,512

- Huatë me probleme

	31 Mars 2025	31 Dhjetor 2024
Gjendja në fillim të vitit	2,141,958	2,015,826
Provigjioni specifik, neto për vitin	86,789	273,693
Hua të fshira gjatë vitit	-	(73,996)
Efekti i ndryshimit të kursit të këmbimit	16,231	(73,565)
Gjendja në fund të vitit/periudhës	2,244,978	2,141,958

8. Rreziku i Tregut (FX +IRR)

Banka ekspozohet ndaj rreziqeve të tregut sa herë që vlera e tregut ose flukset e ardhme të parasë të një instrumenti financiar luhaten si pasojë e ndryshimeve në çmimet e tregut. Rreziqet e tregut burojnë nga pozicione të hapura të bilancit në norma interesi dhe monedha, të cilat të gjitha ekspozohen ndaj lëvizjeve të përgjithshme dhe të veçanta të tregut, dhe ndryshimeve në nivelin e volatilitetit të normave të tregut ose çmimeve si norma e interesit, marzhet e kredisë, dhe kurset e këmbimit të valutave.

Rreziqet e tregut trajtohen nga Politika e menaxhimit të Aktiv Pasivit, e cila përcakton kuadrin, përgjegjësitë dhe limitet/metodat e matjes dhe menaxhimit të këtyre rreziqeve. Është KAAP i cili monitoron në mënyrë mujore këto rreziqe dhe merr masat/vendimet përkatëse në këtë kuadër.

▪ Rreziku i monedhës së huaj

Banka është e ekspozuar ndaj rrezikut të monedhave nëpërmjet transaksioneve në valuta të huaja. Banka përpiqet ta administrojë rrezikun duke mbyllur pozicionet e hapura valutore ditore dhe duke vendosur dhe monitoruar limite mbi pozicionet e hapura. Strukturat përgjegjëse monitorojnë pozicionin valutor dhe luhatjet e monedhës duke aplikuar limite të brendshme për pozicionet e hapura valutore sipas monedhës. Departamenti i Thesarit është përgjegjësi kryesor për ndjekjen dhe monitorimin mbi baza ditore të këtij rreziku, sidomos lidhur me ruajtjen e limiteve të vendosura në Politikat përkatëse. Funkcionet e monitorimit dhe të kontrollit të rrezikut të monedhës kryhen nga Drejtori i Divizionit të Financës dhe Departamenti i Riskut mbi baza ditore dhe si pjesë e përgjegjësisë të KMAP. Ecuria kundrejt limiteve të pozicioneve valutore raportohen mbi baza mujore edhe tek KAAP, në rast tejkalmesh edhe në Këshillin Drejtues.

Banka në mënyrë konsistente është në përputhje me limitet e vendosura, të cilat janë tejet më konservatore se ato të Rregullatorit. Në çdo rast, limitet e pozicionit valutor të Bankës janë nën limitet rregullatore.

▪ Rreziku i normes së interesit

Rreziku i normës së interesit është rreziku që vlera e instrumentave financiare do të ndryshojë si pasojë e ndryshimeve në normat e interesit të tregut të aplikueshme për këto instrumenta financiare. Rreziku i ndryshimit të fluksit të parasë nga ndryshimi i normës së interesit është rreziku që shpenzimet e interesit do të ndryshojnë gjatë periudhës. Banka përpiqet ta monitorojë këtë rrezik duke mbushur plotësisht hendekun midis aktiveve dhe detyrimeve, në mënyrë që edhe aktivet dhe detyrimet, të maturohen apo t'u ripërcaktohet cmimi njëkohësisht. Kjo ndihmon që Banka të reduktojë ndjeshmërinë ndaj ndryshimeve të normave të interesit. Funkcioni i monitorimit dhe kontrollit për rreziqet e normës së interesit të Bankës është i KMAP. Politika e KMAP e Bankës përmban sete limitesh, metodash matjeje dhe raporte mujore që përgatiten dhe analizohen.

Në përputhje me kërkesat rregullatore, Banka klasifikon aktivet dhe pasivet në zëra me normë interesi fikse (forma *FIR*) dhe zëra me normë interesi të ndryshueshme (forma *VIR*). Në vijim paraqitet pozicioni neto për monedhat kryesore si dhe ndryshimi në vlerën e ekspozimit për skenarin e lëvizjes paralele të normave të interesit prej 200 pikësh bazë për 31 Mars 2025:

Totali i pozicioneve të ponderuara	Monedha	31 Mars 2025
	Lekë	1,013,637
Pozicionet e ponderuara neto sipas monedhës - (<i>FIR</i> + <i>VIR</i>)	Eur	(327,453)
	Të tjera	11,995
Ndryshimi në vlerën e ekspozimit		698,179
Kapitali Rregullator		10,061,360
(Ndryshimi në vlerën e ekspozimit/Kap.Rreg.)*100		6.94 %

Banka monitoron pozicionin total neto të ponderuar i cili nuk duhet të tejkalojë nivelin prej 20% të kapitalit rregullator të Bankës.

9. Rreziku i Likuiditetit

Struktura e menaxhimit të rrezikut të likuiditetit

Rreziku i likuiditetit është rreziku që Banka do të mund të ndeshet me vështirësi për të siguruar fonde dhe për të plotësuar detyrimet që burojnë nga instrumentat financiare, dhe në përgjithësi për të ruajtur vazhdimësinë e linjave thelbësore të biznesit. Në bazë operative, Banka monitoron gjendjen e likuiditetit dhe ecurinë e depozitave të klientëve të saj, si dhe ecurinë e investimeve/financimeve, dhe kështu korrigjon gjëndjet dhe aksesin ndaj fondeve të aktiveve të saj, në mënyrë që të mbajë një kapacitet të kënaqshëm likuiditeti për detyrimet e saj në përputhje edhe me limite e vendosura. Në një nivel më strategjik, Banka gjatë procesit të buxhetimit bën parashikimet e flukseve hyrese dhe dalese si dhe të rezervave të likuiditetit dhe nëpërmjet KAAP menaxhon këtë rrezik duke monitoruar vazhdimisht ecurinë kundrejt buxhetit dhe sistemit, hende kut te likuiditetit si dhe një sërë koeficientësh të likuiditetit.

Dega është subjekt i limiteve të vendosura të likuiditetit dhe është përgjegjëse për menaxhimin e likuiditetit të saj brenda ketyre limiteve rregullatore duke u koordinuar me Departamentin e Thesarit të Bankës i cili monitoron në bazë ditore plotësimin e nevojave lidhur me aktivitetin e klientëve dhe përputhshmërinë e çdo degë operative me limitet e vendosura.

Të gjitha politikat, limitet e oreksit të rrezikut (risk appetite) si dhe strategjia e menaxhimit te likuiditetit janë subjekt i rishikimeve nga ana e KAAP dhe aprovimeve vjetore respektivisht nga Këshilli Drejtues. Raportime ditore bëhen për të matur likuiditetin e degëve operative dhe Bankës në tërësi.

Banka mbështetet kryesisht tek depozitat e klientëve si burim kryesor fondesh, por edhe, marrja e huave në treg me garanci (Repo), huave afatshkurtra. Natyra afatshkurtër e nje jese te këtyre fondeve rrit rrezikun e likuiditetit të Bankës dhe Banka e menaxhon këtë rrezik nëpërmjet mbajtjes së niveleve të përshtatshme të aseteve me likuiditet të lartë, çmimeve konkurruese, raportit mes flukseve hyrëse dhe dalëse sipas natyrës dhe monitorimit të vazhdueshëm të prirjeve të tregut.

Banka ka krijuar një set me matës/indikatorë sasior për monitorimin dhe menaxhimin e rrezikut të likuiditeti. Për nje pjesë të këtyre indikatorë Këshilli Drejtues ka përcaktuar limite, një pjesë janë limite/tregues rregullatorë dhe një pjesë tregues monitorues të përcaktuar nga ALCO. Indikatorët janë subjekt monitorimi të vazhdueshëm. Një nga matësit kryesor që Banka përdor për menaxhimin e rrezikut të likuiditetit është koeficienti i aktiveve likuide mbi detyrimet afatshkurtra. Po ashtu Banka në mënyrë frekvente ndjek edhe Normën e mbulimit me likuiditet (RML), si dhe Raporti Neto i Financimit të Qëndrueshëm (NSRF) tregues rregullator në kuadër të menaxhimit të likuiditetit. Këta koeficientë kanë qenë gjithmonë mbi limitet e vendosura nga Banka Qëndrore në të gjitha monedhat dhe në total, dhe mbi limitin e brëndshëm i cili është më konservator.

Mbi bazë të kuadrit rregullator, treguesve, dhe procesit të menaxhimit të likuiditetit, për të menaxhuar rrezikun e likuiditetit që vjen nga detyrimet financiare, Banka mban aktive likuide duke përfshirë dhe parane fizike dhe ekuivalentët e saj (kryesisht investime në tregun e parasë dhe në tituj), për të cilat ka një treg aktiv likuid. Këto aktive mund të perdoren apo shiten në rast nevojë për të arritur kërkesat për likuiditet. Në ndihmë të këtij qëllimi vjen edhe struktura e maturitetit të aseteve, e cila garanton që në mënyrë permanente maturimin kontraktual të një pjese të aseteve të tjera (kredi apo tituj), element integral i cili përmirëson komponentin e aseteve likuide/inflows.

Politikat e KAAP përfshijnë sete raportesh ditore, javore dhe mujore që përgatiten dhe analizohen. Raporti ditore i treguesit te likuiditetit, aktive likuide mbi detyrimet afatshkurtra me afat të mbetur maturimi deri në një vit , kontrollon respektivisht mbajtjen e aktiveve likuide në një nivel të mjaftueshem, nën skenarin e zakonshëm të biznesit. Raportet mujore përfshijnë një sërë koeficientësh rregullator dhe të brendshëm, analiza të hende kut të të drejtave dhe detyrimeve me specifika të veçanta të Bankës dhe të atij të simuluar sipas skenarëve krizë të tregut. Raportet prodhohen për çdo monedhë më vete (Lekë, Usd dhe Eur) si dhe për të gjitha valutat së bashku.

Si pjesë e një kuadri më të gjerë të menaxhimit të rrezikut të likuiditetit, Banka ka kryer Procesin e Vlerësimit të Brendshëm të Mjaftueshmërisë së Likuiditetit (PVBML) dhe monitoron në mënyrë periodike treguesit bazë të tij (përfshi Planin e Kontigjensës së Fondeve), si dhe ka përfshirë këtë rrezik si një ndër elementët kyç të Planit të Rimëkëmbjes, sipas specifikimeve të rregullores përkatëse. Të dy këto plane jane pjesë e rishikimit vjetor të KMAP dhe aprovohen në nivel Këshilli Drejtues.

Banka Union

Raportet Financiare Periodike, Mars 2025

(shifrat në Mijë Lekë, përveçse kur shprehet ndryshe)

Banka mban likuiditetin në një shumë, strukturë dhe raporte që e lejojnë atë të përmbushë detyrimet e saj dhe angazhimet e marra sipas afateve kohore, por edhe të suportojë rritjen e buxhetuar të aktivitetit të Bankës, me një kosto të arsyeshme dhe rrezik brenda oreksit të rrezikut të Bankës.

Koeficienti i likuiditetit

Bazuar në rregulloren nr. 71 të Bankës së Shqipërisë për "Administrimin e rrezikut të likuiditetit", Banka përlllogarit dhe monitoron koeficientet e likuiditetit (aktivet likuide/pasivet afatshkurtra) në baza javore. Ajo sigurohet që këto koeficiente të jenë mbi limitet rregullatore.

Në tabelën më poshtë po japim një ndjekje tremujore të koeficientit të likuiditetit për të gjitha monedhat së bashku, i cili gjithmonë ka qenë mbi nivelin rregullator të 20%:

	31 Mars 2025	31 Dhjetor 2024	30 Shtator 2024	30 Qershor 2024	31 Mars 2024	31 Dhjetor 2023
Totali i Aktiveve Likuide	27,470,517	23,602,468	23,350,166	21,970,245	22,592,378	22,732,812
Totali i Pasiveve Afatshkurta	70,528,707	65,101,201	63,022,710	61,197,171	63,723,801	59,649,805
Treguesi i likuiditetit (në %)	38.95%	36.26%	37.05%	35.90%	35.45%	38.11%

Raporti e mbulimit me likuiditet (RML)

Bazuar në rregulloren e Bankës së Shqipërisë "Për Raportin e Mbulimit me Likuiditet" e cila ka hyrë në fuqi në datë 1 Mars 2020. Banka siguron në çdo kohë një raport të mbulimit me likuiditet prej të paktën 100% në total dhe të paktën 80% për totalin e monedhave të huaja të rëndësishme.

Në tabelën më poshtë po japim një ndjekje tremujore të RML për të gjitha monedhat së bashku, i ciligjithmonë ka qenë mbi nivelin rregullator:

	31 Mars 2025	31 Dhjetor 2024	30 Shtator 2024	30 Qershor 2024	31 Mars 2024	31 Dhjetor 2023
Rezerva e likuiditetit	26,205,049	24,813,113	23,100,161	23,023,118	25,594,050	29,973,283
Flukset dalëse neto	11,568,178	10,562,348	8,828,909	10,591,913	14,001,508	15,555,041
RML	226.53 %	234.92 %	261.64%	217.37%	182.79%	192.69%

Raporti Neto i Financimit të Qëndrueshëm (NSFR)

Bazuar në rregulloren e Bankës së Shqipërisë "Për Raportin Neto të Financimit të Qëndrueshëm të Bankave" e cila ka hyrë në fuqi në datë 1 Janar 2023, Banka siguron në çdo kohë një raport neto të financimit të qëndrueshem prej të paktën 100% për të gjitha monedhat së bashku, si edhe për totalin e monedhave të huaja të rëndësishme.

NSFR në total, rezultoi si më poshtë:

	31 Mars 2025	31 Dhjetor 2024	30 Shtator 2024	30 Qershor 2024	31 Mars 2024
Financimi i qëndrueshëm i disponueshëm	79,772,819	75,787,762	74,744,500	72,965,727	73,005,924
Financimi i qëndrueshëm i kërkuar	51,851,304	49,820,073	51,792,075	47,966,497	46,558,386
NSFR	153.8%	152.1%	144.3%	152.1%	156.8%

10. Rreziku Operacional

Rreziku operacional është rreziku i humbjes që rrjedh nga proceset e brendshme të papërshtatshme ose të dështuara, nga njerëzit, sistemet, ose nga ngjarje të jashtme.

Rreziku operacional është i pranishëm në të gjitha funksionet e një banke, duke filluar nga degët që përballen me klientët, te proceset e brendshme të përpunimit të transaksioneve, teknologjia dhe sistemet IT, raportimet financiare dhe përputhshmëria me kuadrin rregullator. Ai lind nga gabime njerëzore, dështime të sistemeve, mangësi në proceset e brendshme ose nga ngjarje të jashtme si fatkeqësi natyrore apo sulme kibernetike.

Në mënyrë që të mbrohet nga rreziku operacional Banka ka hartuar një kuadër të brendshëm i cili përfshin përkufizime të qarta të kontrolleve dhe përgjegjësi për menaxhimin e rrezikut operacional të organizatës, dhe një filozofi të vetë-vlerësimit të proceseve të biznesit. Gjithashtu ka zhvilluar një set treguesish kyç të rrezikut dhe është duke monitoruar në mënyrë aktive performancën e tyre. Komiteti i Rrezikut Operacional dhe Rreziqet e Tjera ("KRORT") i Bankës ndjek në mënyrë periodike ngjarjet që shkaktojnë humbje operationale dhe ka përcaktuar përgjegjësitë përkatëse për shmangien e humbjeve si dhe përshtatshmërinë e procedurave, efikasitetin e kontrolleve dhe zbatueshmërisë së tyre në praktikë për mbrojtjen nga rreziku për ato aktivitete që janë subjekt i rrezikut operacional.

Përveç kësaj, Banka ka krijuar Komitetin e Përputhshmërisë, i cili mbulon kërkesat e pajtueshmërisë dhe çështjet e lidhura me to në baza periodike.

11. Politika e Shpërblimit

Drejtorët e Departamenteve dhe menaxherët e Bankës do të trajtojnë çështjet e stafit në punën e përditshme, duke pasur gjithnjë parasysh rëndësinë e tyre themelore për suksesin e Bankës, brenda kufijve të interesit të Bankës. Me përjashtim të çështjeve të BNJ të lidhura me pozicione menaxheriale, në të cilat një pjesë e përgjegjësi, në bazë të statutit të Bankës, i takon Këshillit Drejtues, të gjitha çështjet e BNJ do të kanalizohen nëpërmjet Departamentit të BNJ. Kjo konsiderohet e rëndësishme për të arritur paanshmëri dhe për të rritur rëndësinë e burimeve njerëzore në Bankë. Departamenti i BNJ pritet jo vetëm të ekzekutojë të gjitha aktivitetet e burimeve njerëzore, por edhe të ndërmarrë nisma për përmirësimin e BNJ në Bankë. Departamenti BNJ është nën vartësinë direkte të Drejtorit të Përgjithshëm Ekzekutiv të Bankës, i cili ka përgjegjësinë finale për çështjet e burimeve njerëzore në Bankë. Çështjet e burimeve njerëzore do të adresohen edhe nëpërmjet Komitetit të brendshëm BNJ në Bankë dhe Komitetit të Shpërblimeve dhe të Burimeve Njerëzore për këtë funksion në nivel Këshilli Drejtues.

11.1 Pagat

Qëllimi i Bankës është të ketë një program shpërblimi në linjë me kushtet e biznesit, ndryshimet në tregun e punës dhe vlerat e organizatës. Shpërblimi shërben si një pjesë e një pakete që përfshin pagën, bonuse dhe përfitime për punonjësit. Si rregull i përgjithshëm, vendimet për shpërblim sipas performancës bazohen në:

- performancën e përgjithshme të Union Bank;
- performancën e njësisë së biznesit nisur nga realizimi i objektivave të biznesit;
- performancën individuale nisur nga niveli i arritjes së objektivave individuale dhe cilësitë dhe aftësitë, sipas vlerësimit të performancës.

Paga individuale bazohet në strukturën e pagave të bankës, që përmban rangje me minimumin dhe maksimumin e pagës për secilin apo për një grup pozicionesh, bazuar në hierarkinë ose vlerësimin e pozicionit..

Banka ndërmer rishikime të pagave bazuar në rregullat e mëposhtme:

Rritja fillestare: Si rregull, punonjësit e rinj në nivel "junior" fillojnë në një nivel më të ulët se paga bazë e pozicionit. Rishikimi fillestar bëhet pas një periudhe 3-6 mujore, bazuar në një vlerësim me shkrim të performancës dhe propozim nga drejtuesi. Nëse vlerësimi i performancës është pozitiv, atëherë ai kalon në nivelin minimal të pagës së pozicionit.

Rritja për promovim: Kur një punonjës promovohet dhe i ngarkohen përgjegjësi të reja pune, punonjësi konsiderohet për rritje për efekt promovimi. Punonjësi merr rritje page që i korrespondon pozicionit të ri dhe njohurive dhe eksperiencës që lidhen me pozicionin.

Rritja për performancë: Çdo punonjës konsiderohet çdo vit për rritje (ose ulje) të pagës në bazë të performancës. Rishikimi nuk garanton rritjen. Rritjet për performancë përfitohen nga një performancë që tejkalon kërkesat e punës. Rritja për performancë lidhet me vlerësimin vjetor të performancës. Përjashtime të sa më sipër mund të aprovohen nga menaxhimi, me aprovim të Komitetit të BNJ dhe informimin përkatës të Këshillit Drejtues.

Rritja për performancë për punonjësit e bankës do të kryhet pas mbylljes së pasqyrave financiare të vitit paraardhës.

11.2 Përfitimet

Banka angazhohet të sigurojë një skemë të plotë përfitimesh për punonjësit e saj, në mënyrë që të tërheqë dhe mbajë staf të aftë. Banka do të ofrojë përfitimet e përcaktuara në Kodin e Punës. Për më tepër, Banka mund të ofrojë:

- (disa prej) produkteve dhe shërbimeve të saj për punonjësit, me kushte preferenciale;
- sigurim shëndetësor;
- plan pensioni;
- kohë pushimi shtesë etj

Çështjet ligjore, të taksave dhe kostot, do të merren në konsideratën e duhur.

11.3 Shpërblimet

Shpërblimi variabël, si bonuset, njihet dhe shpërblen punonjësit për performancë, për tejkalimin e objektivave vjetore, për përpjekje të jashtëzakonshme dhe për rezultate pozitive biznesi. Bonuset nuk jepen automatikisht çdo vit dhe vendosen ekskluzivisht nga menaxhimi dhe Këshilli Drejtues.

Këshilli Drejtues mund të aprovojë çdo vit shpërblimet e mëposhtme:

- *Shpërblimi i Viti të Ri*, si rregull në % ose në një vlerë të caktuar të lidhur me pagën bazë.
- *Shpërblimi vjetor i lidhur me performancën*, në % ndaj pagës bazë, në varësi të rezultatit financiar të bankës, profitabilitetit të degëve si dhe vlerësimit individual.

Shpërblimet e mëposhtme aplikohen nga menaxhimi:

- *Shpërblimet tremujore për shitjet* – Banka ka vendosur një sistem shpërblimi tremujor për degët dhe punonjësit më të suksesshëm, të mbështetur në suksesin në shitje të bankës, cilësinë e shërbimit dhe performancën e përgjithshme të degës. Këto shpërblime do të jepen nën rregulla dhe me vendime diskrecionare të menaxhimit të bankës.
- *Shpërblimi për performancë të jashtëzakonshme* ose realizimin e një projekti në bankë, ose ngjashëm, aprovohet rast pas rasti.

Vlera maksimale e bonuseve për performancë është pjesë e qenësishme e buxhetit vjetor të bankës.

11.5 Vlerësimi i Performancës

Vlerësimet e performancës bëhen me qëllim për të vlerësuar performancën e punonjësve dhe për të siguruar një mundësi që punonjësi dhe eprori të diskutojnë përgjegjësitë e punës dhe të vendosin objektivat për të ardhmen.

Punonjësit do të vlerësohen në përfundim të tre muajve të parë të punësimit. Më pas, do të ketë minimalisht një vlerësim vjetor të stafit.

Edhe struktura e Këshillit Drejtues bën një vlerësim vjetor të anëtarëve të saj, e shprehur qartësisht në statutin e Këshillit Drejtues si dhe Drejtoria Ekzekutive së bashku me Drejtuesit e Divizioneve, procesin e vlerësimit të të cilëve e kryen Komiteti i Shpërblimit dhe Burimeve Njerëzore.

12. Politikat kontabël të Bankës

a) Baza e përgatitjes

Pasqyrat financiare individuale janë përgatitur në përputhje me “Metodologjinë e raportimit dhe përmbajtjen e raporteve financiare” (“Metodologjia e Raportimit Financiar” ose “MRF”) miratuar nga Këshilli Mbikëqyrës i Bankës së Shqipërisë më 24 dhjetor 2008. Ato janë paraqitur në Lekë, e cila është edhe monedha funksionale, të rrumbullakosura në mijëshen më të afërt dhe janë përgatitur sipas parimit të kostos historike.

Politikat kontabël të aplikuara nga Banka, janë në përputhje me ato të përdorura për përgatitjen e pasqyrave financiare korresponduese për vitin e mbyllur më 31 Dhjetor 2024.

b) Veprimet në monedha të huaja

Veprimet në monedha të huaja janë këmbyer me kursin e këmbimit të ditës së kryerjes së transaksionit. Aktivet dhe detyrimet monetare të shprehura në monedhë të huaj, të cilat janë regjistruar me koston historike në datën e transaksionit, janë këmbyer me kursin e këmbimit në datën e bilancit. Aktivet dhe Detyrimet jomonetare në monedhë të huaj, të cilat mbahen me kosto historike, janë këmbyer me kursin e këmbimit në datën e kryerjes së veprimit. Diferencat që rrjedhin nga ndryshimi i kursit të këmbimit që rezultojnë nga konvertimi i aktiveve dhe detyrimeve monetare janë njohur në pasqyrën individuale të të ardhurave dhe shpenzimeve.

Kapitali aksionar i kontribuar në monedhë të huaj trajtohet si një zë monetar dhe si i tillë konvertohet në Lekë duke përdorur kursin e këmbimit në datën e raportimit. Vetëm për qëllime prezantimi kapitali aksionar paraqitet në bilanc me vlerën në Lekë duke përdorur kursin historik, ndërsa diferenca mes kësaj vlere dhe vlerës në Lekë duke përdorur kursin e këmbimit në datën e raportimit, paraqitet veçmas si “rezervë e rivlerësimit”.

c) Arka dhe llogari me Bankën Qendrore

Arka dhe llogari me Bankën Qendrore përbëhen nga gjendjet e parasë në arkë, llogaritë rrjedhëse dhe depozitat me Bankën Qendrore, si dhe rezervën e detyrueshme me Bankën Qendrore.

d) Depozitat dhe llogaritë me bankat

Depozitat dhe llogaritë me bankat përfshijnë llogaritë rrjedhëse dhe depozitat ndërbankare me datë shlyerje dhe normë interesi të paracaktuar.

e) Letra me vlerë të tregtueshme

Letrat me vlerë të tregtueshme janë investime në obligacione të cilat janë përfituar që në fillim me synim për t’u rishitur në një periudhë afatshkurtër, deri në 6 muaj dhe kur: a) ato janë të negociueshme në një treg dhe b) çmimet e tregut të letrave me vlerë në fjalë janë gjithë kohës të disponueshme për të tretët. Ato janë regjistruar me çmimin e përfitimit të tyre, përfshi shpenzimet dhe çdo interes të përlllogaritur.

Në çdo datë kontabël të hartimit të pasqyrave financiare, ato vlerësohen me çmimin më të fundit të tregut. Shuma e përgjithshme e diferencave që rezultojnë nga ndryshimet e çmimit regjistrohet në llogarinë e fitimeve dhe humbjeve.

Banka rishikon periodisht klasifikimin e letrave me vlerë të tregtueshme përfshi datën e hartimit të pasqyrave financiare. Në vijim të këtij rishikimi nëse ka ndryshime në klasifikim ose pasi ato janë mbajtur të paktën për 6 muaj, letrat me vlerë të poseduara duhet të zhvendosen nga letrat me vlerë të tregtueshme në letra me vlerë të vendosjes ose letra me vlerë të investimit.

f) Letra me vlerë të vendosjes

Letrat me vlerë të vendosjes janë investime në obligacione të cilat mbahen për një periudhë prej më shumë se 6 muaj, me përjashtim të atyre letrave me vlerë të cilat banka synon t’i posedojë deri në datën e maturimit dhe të cilat kënaqin rregullat që kanë të bëjnë me letrat me vlerë të investimit. Letrat me vlerë të vendosjes regjistrohen në datën e përfitimit me çmimin e tyre të përfitimit përjashtuar shpenzimet.

³ Këto janë politikat kontabël sipas Bankës së Shqipërisë; politikat kontabël sipas Standarteve Ndërkombëtare të Raportimit Financiar (SNFR), janë të publikuara një herë në vit së bashku me pasqyrat financiare të audituara në site të Bankës në seksionin 3. Politikat Kryesore Kontabël.

Në çdo datë kontabël të hartimit të pasqyrave, do të krijohen fonde rezervë, sipas grupeve homogjene të letrave me vlerë të të njëjtit lloj, kundrejt humbjeve kapitale të pa realizuara që rezultojnë nga diferenca midis vlerës kontabël dhe çmimit të tregut për letrat me vlerë. Fitimet kapitale të pa realizuara nuk regjistrohen.

g) Investime në letra me vlerë mbajtur deri në maturim

Investimet në letra me vlerë mbajtur deri në maturim konsistojnë në bono thesari dhe obligacione të Qeverisë Shqiptare, obligacione të qeverive të huaja dhe obligacione të korporatave të huaja të blera me qëllimin e mbajtjes së tyre deri në maturim dhe për rrjedhojë klasifikohen si të tilla.

Investimet në letra me vlerë të mbajtura deri në maturim regjistrohen në ditën e blerjes dhe fillimisht maten me kosto, përjashtoj shpenzimet. Nëse ato ishin regjistruar më parë si letra me vlerë të tregtueshme ose të vendosjes, atëherë ato do të regjistrohen me çmimin e tregut që mbizotëron ditën e transferimit.

Diferencat midis çmimit të përfitimit (kostos) apo çmimit të tregut në ditën e transferimit dhe vlerës nominale amortizohen gjatë periudhës.

Në datat raportuese letra me vlerë mbajtur deri në maturim maten me kosto të amortizuar, duke i zbritur fondin rezervë për mbulimin e humbjeve që krijohet për të mbuluar rrezikun e mospërmbushjes së detyrimit nga ana e emetuesit të letrave me vlerë.

h) Huatë dhe paradhëniet për klientët dhe institucionet financiare

Huatë dhe paradhëniet për klientët si edhe ato për institucionet financiare raportohen me vlerën e tyre neto të realizueshme me provigjionin e humbjeve specifike nga huatë. Huatë regjistrohen kur shuma totale është disbursuar dhe pagesat njihen kur paraja arkëtohet. Në rastin e Overdrafteve dhe paradhënieve të tjera, kur fondet nuk përdoren menjëherë, angazhimi i kredisë pasqyrohet jashtë bilancit.

Kreditë janë klasifikuar në një nga pesë kategoritë e rrezikut: standarde, në ndjekje, nënstandarde, të dyshimta, të humbura. Interesat kontabilizohen pjesë-pjesë sipas fluksit në kohë. Interesat e llogaritur por që nuk u ka ardhur afati i pagimit ose që nuk janë paguar ende, kalohen në llogarinë e të ardhurave dhe njihen si aktiv në llogarinë “interesa të përlllogaritur”. Kur huatë klasifikohen si nënstandarde, të dyshimta ose të humbura, nuk llogaritet më interes. Huatë mund të jenë objekt i një ristrukturimi.

Fondet rezervë për mbulim humbjes janë krijuar në përputhje me rregulloren e Bankës së Shqipërisë “Mbi Administrimin e Rrezikut të Kredisë” (Rregullorja e Kredisë), miratuar me vendimin Nr. 62 më 14.09.2011, ndryshuar me vendimin nr.27, datë 27.03.2013, ndryshuar me vendim nr. 22, datë 27.02.2014, ndryshuar me vendim nr. 26, datë 01.04.2015, ndryshuar me vendim nr. 50, datë 30.03.2016, ndryshuar me vendimin nr. 52, datë 03.07.2019, ndryshuar me vendimin qarkullues nr.13, datë 12.03.2020 dhe ndryshuar me vendimin qarkullues nr.33 datë 28.05.2020 të Këshillit Mbikëqyrës të Bankës së Shqipërisë. Rregullorja kërkon që Banka të klasifikojë ekspozimet në kategori rreziqesh të mëposhtme.

Për çdo kategori të rrezikut, aplikohen normat minimale të provigjionimit për fondeve rezervë si më poshtë:

Lloji i huasë	Norma e Fondit
Standarde	1%
Në ndjekje	5%
Nën standard	Jo më pak se 20%
Të dyshimta	Jo më pak se 50%
Të humbura	100%

Për interesat e përlllogaritur të huave nënstandarde, të dyshimta dhe të humbura, krijohet fond rezervë në masën 100%.

Fondet rezervë kontabilizohen si zhvlerësim i mjeteve (në bilanc) kundrejt llogarisë së humbjes në pasqyrën e fitimeve dhe të humbjeve. Në rastet e shlyerjeve të kredisë apo fshirjeve nga bilanci të gjitha fondet rezervë të regjistruara për këto shuma stornohen.

Huatë për klientët raportohen neto, pas zbritjes së fondeve rezervë për huatë që klasifikohen si nënstandarde, të dyshimta dhe të humbura. Fondet e krijuara për humbjet e mundshme nga huatë që klasifikohen si standarde dhe në ndjekje, regjistrohen si provigjion statistikor në anën e detyrimeve të bilancit kontabël nën kategorinë “Detyrime të tjera”.

Ndërsa huatë për institucionet financiare raportohen neto, pas zbritjes së fondeve rezervë për huatë që klasifikohen si në ndjekje, nënstandarde, të dyshimta dhe të humbura. Fondet e krijuara për humbjet e mundshme nga huatë që klasifikohen si standarde, regjistrohen si provigjion statistikor në “Detyrime të tjera”.

i) Investime në Filiale

Investime në Filiale paraqet investimin në Landeslease sha, i cili është matur fillimisht me kosto. Në çdo datë raportuese të mëpasshme, përcaktohet vlera reale e aksioneve, dhe nëse parashikohet që vlera reale do të mbetet më e ulët se sa vlera kontabël neto për një periudhë afatgjate regjistrohet fondi rezervë për amortizim.

Dividentët kontabilizohen si e ardhur dhe regjistrohen në datën që ato shpallen zyrtarisht nga organizmat ligjorë të Filialit (Mbledhja e aksionarëve).

j) Aktive të qëndrueshme të trupëzuara dhe të patrupëzuara

Aktivet e qëndrueshme të trupëzuara paraqiten dhe maten duke zbritur amortizimin e akumuluar dhe humbjet nga rënia në vlerë, në qoftë se ka. Kosto përfishin shpenzime të cilat i atribuohen direkt blerjes së aktivitetit. Programet kompjuterike që janë pjesë e funksionimit të pajisjes në të cilën ato janë instaluar, kapitalizohen si pjesë e asaj pajisjeje. Amortizimi llogaritet sipas metodës lineare mbi jetën e parashikuar të përdorimit të aktiveve. Aktivet e qëndrueshme në proces nuk amortizohen.

Të ardhurat apo humbjet nga nxjerrja jashtë përdorimit të një aktivi të trupëzuar (llogaritur si diferencë midis arkëtimeve nga nxjerrja jashtë përdorimit dhe vlerës kontabël të aktivitetit) njihen si të ardhura të tjera në pasqyrën e fitim humbjeve.

Aktivet e patrupëzuara të blera nga Banka maten me kosto duke i zbritur amortizimin e akumuluar, i cili llogaritet sipas metodës lineare, dhe zhvlerësimin kur është i aplikueshëm. Amortizimi njihet në fitim humbje sipas metodës lineare, duke u nisur nga data në të cilën është i vlefshëm për punë.

Amortizimi dhe zhvlerësimi i vitit është llogaritur në përputhje me normat e mëposhtme:

Pajisje kompjuterike	25%
Pajisje zyre	20%
Aktive të tjera të trupëzuara	20%
Aktive të patrupëzuara (programe kompjuterike, shpenzime të nisjes dhe të tjera)	20%

Shpenzimet e mëpasshme kapitalizohen vetëm nëse është e mundshme që përfitimet ekonomike që i atribuohen atyre do të rrjedhin te Banka në të ardhmen. Të gjitha kostot e tjera të riparimit dhe mirëmbajtjes regjistrohen në shpenzimet kur ndodhin.

k) Përmirësime të aktiveve të marra me qira

Përmirësime të aktiveve të marra me qira perfaqësojnë “shpenzime për t’u amortizuar në disa vite”, sepse përdorimi i tyre shtrihet në më shumë se një periudhë kontabël. Afati i përdorimit të këtyre përmirësimeve varion nga 3 në 15 vjet. Këto shpenzime shpërndahen përgjatë periudhës së qirasë.

l) Aktive të trupëzuara të marra nëpërmjet një procesi ligjor

Aktive të trupëzuara të marra nëpërmjet një procesi ligjor, janë pasuri të luajtshme dhe të paluajtshme të përfituara kundrejt shlyerjes së kredive të dhëna nga Banka klientëve. Vlera kontabël e këtyre aktiveve pritet të rikuperohet nëpërmjet shitjes së tyre.

Në rastet kur këto aktive nuk mund të shiten brenda vitit të parë të përfitimit të tyre, Banka krijon fonde rezervë për mbulimin e humbjeve nga zhvlerësimi i tyre.

Fondet rezervë për mbulim humbjesh nga zhvlerësimi i këtyre aktiveve gjatë vitit 2024 janë krijuar në përputhje me rregulloren “Mbi Administrimin e Rrezikut të Kredisë” (Rregullorja e Kredisë), miratuar me vendimin Nr. 62 me 14.09. 2011, ndryshuar me vendimin nr.27, datë 27.03.2013, ndryshuar me vendim nr. 22, datë 27.02.2014, ndryshuar me vendim nr. 26, datë 01.04.2015, ndryshuar me vendim nr. 50, datë 30.03.2016, ndryshuar me vendimin nr. 52, datë 03.07.2019, ndryshuar me vendimin qarkullues nr.13, datë 12.03.2020, ndryshuar me vendimin qarkullues nr.33 date 28.05.2020 dhe me vendimin nr. 5, datë 13.01.2021 të Këshillit Mbikëqyres të Bankës së Shqipërisë.

Rregullorja në fjalë kërkon që Banka të krijojë fonde si më poshtë:

Viti i marrjes në pronësi	Norma e Fondit
Viti i parë	5%
Viti i dytë	15%
Viti i tretë	30%
Viti i katërt	45%
Viti i pestë	60%
Viti i gjashtë	80%
Viti i shtatë	100%

m) Marrëveshjet e riblerjes

Marrëveshjet e riblerjes janë marrëveshje në të cilat Banka shet një aktiv financiar (letër me vlerë) dhe njëherësh hyn në një marrëveshje për të riblerë këtë aktiv me një çmim fiks në një datë të ardhshme (repo). Ky transaksion nuk konsiderohet si një nxjerrje e aktivitet jashtë përdorimit dhe Banka ruan të gjitha përfitimet që lindin nga zotërimi i aktivitet financiar (letrës me vlerë). Në përmbajtje kjo marrëveshje është një hua dhe për rrjedhojë kontabilizohet si një detyrim financiar, dhe aktivi vazhdon të njihet në pasqyrat financiare të veçanta të Bankës.

n) Depozitat dhe llogaritë rrjedhëse

Depozitat dhe llogaritë rrjedhëse janë burimet kryesore të Bankës për financim. Depozitat me afat përfaqësojnë shumat e depozituara nga klientët, dhe mbartin një datë shlyerjeje dhe një normë interesi të pranuar. Ato kontabilizohen në datën fillestare të tyre si detyrim. Në datën e maturimit depozitat shlyhen ose rinovohen për një periudhë tjetër të pranuar. Interesat kontabilizohen pjesë pjesë sipas fluksit në kohë dhe regjistrohen në pasqyrën e të ardhurave dhe njihen si detyrim deri në momentin e pagesës.

o) Borxhi i varur

Paraqet huamarrje të Bankës të cilat, në rast likuidimi janë të dorës së dytë kundrejt shlyerjes së kreditorëve të tjerë. Vlera e borxhit dhe interesi i përlllogaritur regjistrohen si detyrime. Cdo shpenzim lidhur me emetimin e borxhit është regjistruar si shpenzim i periudhës.

p) Provigjonet

Provigjoni është njohur nëse si rezultat i ngjarjeve të mëparshme, Banka ka një detyrim ligjor që mund të matet me besueshmëri, dhe është e mundur që një dalje e përfitimeve ekonomike do të kërkohej për të shlyer detyrimin.

q) Përfitimet e punojësve

Banka paguan kontribute të detyrueshme për sigurimet shoqërore për përfitimet e punonjësve që dalin në pension. Autoritetet lokale janë përgjegjëse për përcaktimin e limitit minimal ligjor të vendosur për pensionet në Shqipëri sipas një plani kontributësh pensioni të përcaktuar. Nga Janar 2022, Banka ofron mundësinë që punonjësit të mund të jenë pjesë e një plani pensioni vullnetar, në të cilin kontributi i Bankës në kuotën mujore do të jetë 50%. Kontributet e Bankës ndaj planit të pensionit të detyrueshëm dhe atij vullnetar njihen si shpenzim në pasqyrën e veçantë të të ardhurave dhe shpenzimeve kur ato ndodhin.

r) Të ardhurat dhe shpenzimet nga interesat

Të ardhurat dhe shpenzimet nga interesat njihen sipas parimit të të drejtave të konstatuara. Regjistrimi i tyre bëhet në bazë rrjedhëse (duke u bazuar tek përlllogaritja), pra paraqiten kur ato fitohen ose shkaktohen.

s) Të ardhurat dhe shpenzimet nga komisionet

Të ardhurat dhe shpenzimet nga komisionet rrjedhin nga shërbimet financiare të ofruara nga Banka si transferimi i fondeve, aktivitetet huadhënëse, tarifat e marra për krijimin e huave dhe paradhëniet të klientëve, tarifat e mirëmbajtjes së llogarive, komisione të garancive bankare, etj. Të ardhurat dhe shpenzimet nga komisionet njihen kur shërbimet përkatëse janë kryer.

t) Të ardhurat dhe shpenzimet për qira

Të ardhurat e marra dhe shpenzimet e bëra për qiratë operacionale njihen në pasqyrën e fitim humbjeve sipas metodës lineare përgjatë jetës së qirase. Zbritjet e bëra apo të marra nga qiraja njihen si pjesë përbërëse e totalit të të ardhurave e shpenzimeve për qira, përgjatë afatit të qirasë.

u) Veprimet spot të këmbimit valutor

Banka gjatë aktivitetit të saj të zakonshëm hyn në këmbime valutore spot me data likuidimi 2 ditë pas datës së veprimit. Këto veprime regjistrohen si zëra jashtë bilancit në datën e transaksionit dhe regjistrohen në pasqyrat financiare në datën e likuidimit. Efekti i rivlerësimit i balancave të zërave jashtë bilancit njihet dhe regjistrohet në datën e veprimit.

v) Përdorimi i vlerësimeve

Përgatitja e pasqyrave financiare në përputhje me MRF kërkon që menaxhimi të bëjë vlerësime dhe parashikime që ndikojnë në shumat e raportuara të aktiveve dhe detyrimeve, në informacionin shpjegues për aktivet dhe detyrimet e mundshme ekzistuese në datën e pasqyrave financiare dhe në shumat e raportuara të të ardhurave dhe shpenzimeve gjatë vitit të raportimit. Kur bëhen vlerësimet e nevojshme për përgatitjen e pasqyrave financiare, Banka mban gjithmonë pozicionin më konservator për të shmangur rrezikun që mjetet ose të ardhurat të vlerësohen më tepër dhe detyrimet ose shpenzimet më pak. Pasqyrimi kontabël i mjeteve dhe detyrimeve bëhet në përputhje me përmbajtjen dhe realitetin ekonomik të tyre dhe jo vetëm me paraqitjen ligjore të tyre. Rezultati aktual mund të ndryshojë nga këto vlerësime.

w) Informacioni krahasues

Informacioni krahasues është paraqitur vazhdimisht në përputhje me politikat e kontabilitetit të Bankës.